

# **Rawngbāwlna Chanchin**

**2017**

**KUARTAR 2-NA**

**WEST-CENTRAL AFRICA DIVISION**

**A Kâwm:** Babcock University. Tûn kuartar Thirteenth Sabbath Thawhlawm ðenkhath hi an dawng dâwn a, chû chuan multipurpose center sak a ni ang.

## GABON

01 Pahnih Awm Rawh Se		April 1	9
02 Nû Tawngtaina		April 8	12
03 Leo-a Sûlhnû, Part 1	T	April 15	15
04 Leo-a Sûlhnû, Part 2	T	April 22	19
05 Joyce-i Tâna Thu Lâwmawm	T	April 29	22
06 Tihdamna Sikul		May 6	25
07 Thim Zînga Âw Chu		May 13	29

## NIGERIA

08 Infiamna Mai Ni Lo, Part 1	T	May 20	32
09 Infiamna Mai Ni Lo, Part 2	T	May 27	35
10 Ka Duhsâm	T	June 3	38
11 Awm Ngêina Tûr Hmun		June 10	41
12 Ka Ûnaupa		June 17	44

## RESOURCES

13 Thirteenth Sabbath Program		June 24	47
30 Where Do My Mission Offerings Go?			
31 Leader's Resources			

T = Tðhalaite puâl

Published and edited in Mizo by Malsawma Tochwawng, Sabbath School & Personal Ministries Department Director, Mizo Conference of Seventh-day Adventists, Box-097, Aizawl, Mizoram, INDIA- 796001, on behalf of General Conference of Seventh-day Adventists. Printed by Lalngaihawma at Remnant Press, Aizawl. Copy – 550.

## **Sabbath School Hruaitu Duh takte,**

Tûn kuartar chhông hian West-Central Africa Division kan bawh dâwn a, hê bial hian hêng ram hrang hrang: Benin te, Burkina Faso te, Cabo Verde te, Cameroon te, Central African Republic te, Chad te, Congo te, Cote d'Ivoire te, Equatorial Guinea te, Gabon te, Gambia te, Ghana te, Guinea te, Guinea-Bissau te, Liberia te, Mali te, Mauritania te, Niger te, Nigeria te, Senegal te, Sierra Leone te, leh Togo-te a huâm a ni.

Hê division chhôngah hian mihring maktaduaih 399 chuâng deuh chêngin, chûng zînga mihring 683,318 chuSeventh-day Adventists an ni.

Tûn kuartar Thirteenth Sabbath Thawhlawm project zîngah hêngte hi an tel ang: tûna primary sikul pakhat leh secondary sikul pakhat chauh awmna Gabon rama Franceville khuua secondary school thar sakna tûr te; Nigeria rama Ogun State-a Babcock University-a ðhalai za tam takte tâna inkhâwmna leh program neihna tûr hmun an neih lohnaa multipurpose center dinna tûr te a ni ang.

Hêng project hmanh hian Adventist sikula lo lût non-Adventist ðhahnem tham takte tâna rawngbâwlsakna tûr a ni ang a. Hêng ram pahniha chêng zâa 62 laite chu ðhalai kum 25 chin hnuai lamte an ni hlawm a, hêngte tâna rawngbâwl dân kawng sâwt ber chu Adventist education hmangin a ni.

Hêng thawnthûte ka lâk khâwm laia rilru hneh tak pakhat chu naupangte rawngbâwlna kawnga phûr taka an chê mawlh hi a ni. An hriatthiam dân chuan, Seventh-day Adventist Kohhran member nih tawh chuan pâwn lam chêt chhuahnaa inhman tûr tih a ni mai. Tûnlaia kan thupui Total Member Involvement tiha hmalâkna nêp pawh hian an inhmeh khawp mai a, Adventist member tinte chuan inhman vê ðheuh an tum a ni ber a. A pui a nâwi, a tar a zûrin, tû pawh mai hi mi dangten Isua an hmêlhriat theihna tûra hmanruâa ðan ðheuh hi an tum a ni ber.

## Special Features

- **Facebook!** Tûnlai hunah chuan Facebook hi kan hmang nasa tlâng ta hlê mai a, nangni pawhin kan Facebook [www.facebook.com/missionquarterlies/](http://www.facebook.com/missionquarterlies/)hi lo luh chilh vê a, lo 'like' ngêi tûrin kan insâwm a ni e.
- **Mission Spotlight DVD, Adventist Mission** buatsaihah hian ramthim rawngbâwlna chanchin ngaihnawm tak tak bâkah Thirteenth Sabbath Special Project Fund kalna tûr a târlang thîn a, hei hi a thlâwnin heta tâng hian download theih a ni: [www.adventistmission.org/dvd](http://www.adventistmission.org/dvd).
- Bengvârna thû leh tihtûr chi hrang hrangte pawh hmuh theihna tûr website tângkaipui theih tûr târlan an ni a, chûngte chu lo luh chilh ula, Rawngbâwlna chanchin sawi paha entfîr tûr in hmu thei nuâl ang.

Ram thim rawngbâwlna atâna in inpêkna leh, Sabbath sikul member-ten khawvêl puma an thlarau lam ûnate nêna inzawmna an neih theihna tûra in thahnemngaihna avâng te, thawhlawm thawh leh thahnemngai taka in tawngtaipui thinna avângin lâwmthû kan sawi a ni e.

Pathianin nasa takin malsâwmna vûr zêl che u rawh se!

*Laurie Falvo*

Laurie Falvo, interim *Mission* quarterlies editor

## Remchânate

Tûn kuartar Thirteenth Sabbath Thawhlawm hmang hian hêng hi tihpuitlin a ni ang:

- Gabon rama Franceville khawpuia secondary school thar din;
- Nigeria rama Ogun State-a Babcock University-a multipurpose center din.

## **Lâwmthu Sawina**

Kum 2015 kuartar khatnaa North American Division tâna in Thirteenth Sabbath Thawhlawm hmang khân USA-a Alaskabial Dillingham



kianga Camp Polaris-ah inbualna hmun leh shower bâkah inthiarna hmun sak a ni a, in ðahnem min ngaihpuina chungah lâwmthû kan sawi mawlh mawlh a ni e!

## **Thirteenth Sabbath Project Leh Tûr**

Kuartar lehah chuan Southern Asia Division (SUD) kan bawh vê thung ang a, Special project zîngah hêngte hi a tel ang: Telengana-a evangelistic center te, Nagaland-a Dimapur khuaa Adventist boarding-a hmeichhe hostel te, Chennai-a James Memorial Higher Secondary School-a girls hostel te, Maharastra-a Hathkanangle khuaa Adventist Secondary-a classroom-te.



*Editor's note: In Sabbath School member-ten kâr tina mission thawhlawm an thawh ðhin kalna an zâwt a nih chuan helai thú hian a chhânsak thei ang.*

### **Mission Thawhlawm Kalna?**

Thawhlawm in thawh lai hian ip pawpa thlâk ang maia ngaih châng in nei tawh ðhin em?

Khawi ram leh project-in nge Thirteenth Sabbath Thawhlawm dawng tih chu in lo hre tawh chawk ang a. Mahse, kâr tina in thawhlawm thawh hi khawihah nge a kal a, engtin nge hman a nih dân chu in lo hre chiah lo pawh a ni maithei e.

Kâr tina thawhlawm in thawh hman hian khawvêl hmun hrang hranga ramthim rawngbâwltu 1,000 chuâng mah rawih an ni hi mak in ti zawk em? Kâr tina thawhlawm kan thawh ðhin zînga zâ 70 vêl hi tuipui râla rawngbâwltute leh khawvêl huap hnâ thawh nân hman a ni. General Conference aţanga ţanpuina semchhuah hmanġin division hrang hrang leh Middle Eastou-North Africa Union leh Israel Field leh chûng biâl huâm chhûnga hmalâknate hi enkawl a ni.

Sum la bâng aţang chuan kan inkhuarna hmunpui hrang hrang te, agency hrang hrangte enkawl a ni bawk a. Entîrnân, Loma Linda University-a khawngaih rawngbâwlna lam te, Adventist World Radio hmanga chanchin ţha puan chhuahna lam te, Adventist Development and Relief Agency hmanga chhawmdâwlna lam atânte hman a ni bawk.

Tûnhnâi deuh lawk aţang khân hmun khirhkhân zâwka mi maktaduaih têlin Isuaa chhandamna changin Seventh-day Adventist Kohhran an zawm a. Kohhran thar sâng têl din a ni bawk a. Mahse hêng mi tharte hian baptisma an chan hnû hian engtianga chawm puitlin zui nge an nih ðhin le? Engtin nge an rinna chawm leh tichak tûrin hmanruâ leh châkkhâte dawng a, zirtîra siam an nih ang? Engtin nge an mamawh êm êm enkawl leh chawmtu tûr an neih theih ang? Kâr tina phal taka thawhlawm

kan thawh tlân thin zârah, khawvêl puma chona lian tak chu chhânin a la awm zui thei zêl a ni.

Khawvêl puma kan kohhran rawngbâwlina chungchâng hriat zui zêl theih nân AdventistMission.org hi lo luh chilh hrâm ang che u. Hetianga Adventist ram thim rawngbâwlina chu in tawngtâina leh thawhlawh hmanga in thawhpui zêlna avângin lâwmthû kan sawi e. Nangni hi danglamna thlentû chu in ni e!



Gary Krause, director  
Office of Adventist Mission  
Seventh-day Adventist Church world headquarters

**For more information** on the cultures and history of Gabon and Nigeria, visit your local library or a travel agency, or visit the Web sites listed here.

**Gabon:** [bbc.com/news/world-africa-13376333](http://bbc.com/news/world-africa-13376333)

[factsking.com/countries/gabon/](http://factsking.com/countries/gabon/)

**Nigeria:** [bc.com/news/world-africa-13949550](http://bc.com/news/world-africa-13949550)

[factsking.com/countries/nigeria/](http://factsking.com/countries/nigeria/)

**You may also find these denominational Web sites helpful:**

West-Central Africa Division: [wad.adventist.org](http://wad.adventist.org)

Babcock University: [babcock.edu.ng](http://babcock.edu.ng)

***Mission Spotlight:*** Show the *Mission Spotlight* videos, which feature mission stories from around the world and from this quarter's Thirteenth Sabbath Offering countries. You can sign up to get an e-mail that includes descriptions of each video and links to download or view the videos online. Sign up at [MissionSpotlight.org/subscribe](http://MissionSpotlight.org/subscribe).

### ***Mission Quarterlies Facebook Page***

Read and share mission stories online, see pictures, take a peek behind the scenes of gathering stories, and make comments—all on our Facebook page at [Facebook.com/mission-quarterlies](http://Facebook.com/mission-quarterlies).

Ask your Sabbath School council to set a quarterly mission offering goal (set the goal a little higher than last quarter and divide it by 14, one part for each of the 12 regular Sabbaths this quarter and two parts for Thirteenth Sabbath). Chart the weekly progress toward the quarter's goal on a goal device.

## Adventist Mission

Volume 106, Number 2

### EDITORIAL

Gary Krause	Editor in Chief
Laurie Falvo	Interim Editor
Emily Harding	Layout Editor
Kayla Ewert	Editorial Staff

### OFFICE OF ADVENTIST MISSION

Gary Krause	Director
Rick Kajiura	Communication Director
Jeff Scoggins	Planning Director
Homer Trecartin	Global Mission Centers Director
Doug Venn	Global Mission Urban Center Director

### Communication Team

Kayla Ewert  
Laurie Falvo  
Ricky Oliveras  
Earley Simon  
Karen Suvankham

### West-Central Africa Division

Union	Churches	Companies	Membership	Population
Cameroon	909	510	93,503	23,739,000
Central African	133	89	13,947	26,570,000
Eastern Nigeria	657	524	134,672	38,949,914
Eastern Sahel	155	300	19,365	78,429,000
Northern Ghana	705	955	168,656	14,445,306
Northern Nigeria	224	298	39,299	90,119,408
Southern Ghana	731	1,037	121,241	13,227,694
West African	123	194	29,308	21,992,000
Western Nigeria	267	458	49,407	52,769,678
Western Sahel	54	79	13,920	39,404,000
<b>Total</b>	<b>3,958</b>	<b>4,444</b>	<b>683,318</b>	<b>399,646,000</b>

Statistics from the *2016 Annual Statistical Report*.

Population statistics from the *2016 Seventh-day Adventist Yearbook*.



**PAHNIH AWM RAWH SE!****Gabon**

Pastor Medou Eyi

**G**ABON rama kan rawngbâwlna hi tûn kuartar Thirteenth Sabbath Thawhlawmin a tihpuitlin tûr project zînga a tel avâng hian kan phûrin kan hlim hlê a ni!

Ka hming chu Pastor Georges Medou Eyi a ni a, Gabon Mission of Seventh-day Adventists president ka ni bawk. Kan ram khawpui Libreville-a kan campus-ah hian officce building te, primary sikul te, dispensary leh biak in a awm a.



Tûn kuartar Thirteenth Thawhlawm hming hian Libreville aţanga KM 500 vêla hlâ Franceville khawpuia secondary sikul sak a ni bawk dâwn a. Kan ramah chuan zirna hmanga Adventist thuchah puan chhuah hi thil hlâwk ber zînga pakhat a nih avângin sikul din hi kan mamawh hmanhmawh thlâk ber zînga mî a ni rêng a ni.

Gabonese mipui maktaduaih 1.7 laite hnêna thuchah puang tûr hian chona kan hmachhawn lian hlê mai a, tûnah hian primary sikul pakhat leh secondary sikul pakhat chiah kan nei rih a ni. Tûna kan sikul din tûr hi a puitlin theih chuan kan zirlai neih tûr non-Adventist tam takte hnênah thuchah kan puâng thei dâwn a, Gabon rama Adventist kohhran pawhin nasa takin a chak phah dâwn a ni.

**Non-Adventist Zirlaite Pawhin**

Kan secondary sikul Libreville khawpuia mi hi mission sikul a ni a. Heta zirlai zâa 70 vêlte chu Adventist ni lote an ni a, Kristian ni lo hrim hrim pawh an awm nuâl. Kan sikul hi a lian lo

va, zirlai han lâk belh ngaihna vak pawh a awm tawh lo. Zirlai hi an vâiin 120 emaw vêl chauh kan luhtîr thei a ni.

Kan primary sikul hi chu tlêmin a lian deuh zâwk a, zirlai pawh 300 lai kan nei thei a. Chû chu malsâwmna a ni dêr tawh a, mahse an zir chhuah a, secondary lama luh an duh hian hmun kan neih sî loh avângin tam tak kan hnar a ngai a. Chutiang chuan sorkar sikul leh private sikul dangachte an lût a, Sabbath nîa exam an hmachhawnte a ngai thîn a ni.

Zirlai kan hnar tam tak chu Isua hnêna an nunna hlân a, Sabbath serh tawhte an ni nual mai a. Anni chuan, “Kan luh vêna tûr sikul pawh kan neih sî loh chuan Adventist nih pawh a va manhlâ chuâng âwm lo vê? Engtin nge kan chhia leh tha hriatna hi kan zui theih ang lê? Tûnah chuan Adventist ni tawh hrih lo ilang, nakina kan zir zawh hunah kan la ni leh zâwk mai dâwn em niang?” tin an zâwt fo thîn a ni. Hetiang han hriat hian rilru a na duh khawp mai a. Puitling lam âiin naupang lamte hi chanchin tha pawm duh an ni zâwk a, nakinah chuan an rilrûte lo sakín, pawh an harsa sauh dâwn sî a ni.

Thil duhawm lo tak chu, hêng non-Adventist primary zirlaite chauh hi kan hnar tihna a ni lo. Libreville khawpuaia non-Adventist chhûngkuate hian kan zirna kalpui dân hi an ngâisâng êm êm a, chuvângin nû leh pête chuan an fâte chu kan hnênah rawn hruaiin, “Kan fâte khuâ leh tui thâ an nih theihna tûrin nangni Kristiante hian zirtîrin kawng thâ in kawhhmuh dâwn tih kan hria a, in kuta dah hi kan ngaih a thâ a ni,” an ti tawp mai a ni.

Han ngaihuât teh u, chanchin tha dawn duhin mipuite hian min rawn bâwr luih luih a ni ber mai! Kan lo hnar zêl thei dâwn em ni? Naupang leh zirlaite chauh ni lo vin, an nû leh pête hial pawh kan hnar tihna a ni mai dâwn sî a!

### **Khawtlâng Mipuite Pawhin**

Kan secondary sikulah chuan mipui vântlâng tâna rawngbâwlsak hi thupuaiah kan nei a, chutiang program atân

chuan kan zirlaite pawh hi kan hmang nasa hlê bawk a. Rawngbâwlna atâna phûr, chak leh thahnemngai neih hi Kristâ hmianga vângtlâng pawhna kawng pawimawh a ni. Hêng mîte hian damlote tlawh chhuakin kan dispensary-ahte an rawn hruai a, khawharte an hnem bâkah lungngai leh mangangte an tanpui bawk thîn a. Mîte tawngtaisakin, Isuâ chanchin an hrih a, hmun thenkhatah chuan eitûr leh silhfênte an sem bawk a. Mîte zînga che chhuak a, an mamawhte kan phuhrûksakna zârah kohhran pawh a thang vê zêl a ni.

### **Hmalam Hun Atâna Kohhran Nghet Dinin**

Gabon ramah hian Adventist member 3,041 kan nei a, chûng zînga zâa 79 vêlte chu zirlai an ni. Libreville khawpuaia chêng tih loh, mi dang zawngte hi chu non-Adventist sikula an luh a ngai deuh vek a ni mai a; chûngah chuan harsatna chi hrang hrang, Sabbath nîa exam ziah ngâi thlengin an hmachhawn nasa hlê a ni.

Kan thil tawn fo duhawm lo deuh chu, hêng kan zirlaite hi non-Adventist sikula an luh hian an bo leh duh viau mai tih hi a ni. An tâna zirna hmun him buatsaihsak an ngai a, Sabbath nîa exam ziah ngai lo leh, thlarau lama châwmpuitlin an nih theihna tûr hmun ngaihtuahsak hi hna pawimawh hmasâ a ni.

### **Hmasâwnna Duhawm**

Gabon ramah hian secondary sikul pahnih kan neih theih ngat chuan rawngbâwlna kawngah nasa takin hmâ kan sâwnpui dâwn a. Kan secondary sikul thar tûrah hian zirlai 450 vêl an lût thei phawt ang a, kan ruâhman rilrûk dân chuan zirlai 900 vêl awm theihna tûra hostel nêl lama buatsaih a ni. Gabon ram hmun hrang hrang aţangin zirlai an lo fuân khâwm ang a, an hâwn leh hunah Adventist thuchah hi an pu darh zêl dâwn a ni.

Hê kan ruâhmanna project hi min thlâwpin, pawk taka thawhlâwmte in thawh phawt chuan, Gabon rama mîten Isuâ hmangaihna hriain, A lo kal leh thuaina tûr atân inpeihin an awm thei dâwn a ni.

## **Bengvârna Thû**

- Gabon ram mihring zâa 62 chu kum 25 chin hnuai lam niin, Adventist zirna hmanga rawngbâwlsak ruâl tak an ni.
- Kum 1975 khân Equatorial African Union Mission (tûna Central African Union Mission) hian lehkhabu zuâr (LE) Raymond Ondoua leh a nupui chu Gabon rama Adventist hnâ ðan tûrin an tîr a.
- Kum 1976 khân General Conference-in Gabon rama rawngbâwlna nei tûrin Daniel Cordas an tîr a, an ram khawpuiiah member 40 chuâng neiin kohhran a din ta a ni.
- Gabon Mission hi kum 1978-a din a ni.

**CHAWLHNI 2-NA**

APRIL 8, 2017

## **NÛ TAWNGTAINA**

**Gabon**

Michele Nathalie

**G**ABON rama kan Seventh-day Adventist secondary sikulah ka fanû Juana-i a lût thei dâwn tawh lo tih ka hriatin ka rilrû a hrehawm hlê mai a. Gabon Mission hian sum leh pai lamah harsatna neiin, zirna sikul sâng zâwk a hawn belh thei sî lo. Kan ramah hian chutiang zirna in danga han intirhna tûr awmte chu ni sê a zia deuh tûr, mahse Adventist secondary pakhat chauh kan nei a, tih ngaihna a awm sî lo a ni.

Juana-i hian Adventist sikula Pathian biak leh ðawngtaina a lo nei thei tawh ðîn a. An zirlai zîngah Bible a tel bawk a, chutiang zârah chuan an zirtirtûte pawhin an ngainân, an châwm puitling chho vê zêl a. An ðiante nêen pawh pâwnlam rawngbâwlna chi hrang hrangah phûr takin an che tlâng thei a. Mahse chutiang chu a ni reng thei dâwn ta sî lo.

## **Lungkham Tûr Tam**

*Juana-i pâwn lam sorkar sikulah lût vê ta se, a rinna hi engtin nge ni ang le? A ngaihna ka hriatpui lo hlê mai. Isua nêen inlaichînna ðhâ leh nung an nei zui zêl thei a ngem? Kan ðhian ðhenkhatte hnên aþangin kan vênga sorkar sikul leh zirlaite awm dân ka lo hre zauh zauh a. “Kan fâte ðhianté chuan*

zu in leh damdâwi ruihhlo khawih an chng a,” tiin pakhat chuan a sawi a. Nu pakhat chuan, “Zirtâwp zân leh Saturday zân hian intihhlimate an nei thîn a,” a ti bawk a. Pakhat dang leh chuan, “An zirtirtu nu lah hi a duh hun hunah lo kalin, zirlaite chu mahni zir zira zir mai tûrin a kalsan leh daih mai thîn a,” tiin a sawi bawk a. Hêng an thil sawi zawng zawng hi lo pawmzam thei dâwn pawh ni ilang, an exam hi Sabbath-ah a tla ziah tih hi chu han namnûl mai chî chu niin ka hre sî lo.



### **Khûp Bel Tlal**

Juana-in sikul thar a kâi aţanga rei vak lo vah chuan a thlarau nunah danglamna a awm tih ka hre nghâl thuai a. Bible zir leh ţawngţai nân hun a hmang tlêm ta hlê a, kohhranin pâwn lam rawngbâwlna a neih pawh a tuipui nêp sawt bawk a. Ni khat phei chu, “Bawihi, i awm dân hi ka lungkham khawp mai. Engkim a ţha vek em?” tiin ka zâwt tawp mai a.

Juana-i chu a hawi deuh hmak a, a hmêl a hlim lo hlê mai. “Nû, engkim a ţha vek lêm lo. Ka tûn dinhmunah chuan engkim hian Isuâ hnên aţanga min hnuh bo tum ni berin ka inhria. Hetiang hi ka duhdân a ni bîk miah lo, mahse Amah chu hlat ta deuh riâuin ka inhre sî a ni,” tiin min chhâng a.

Juana-i hnênah chuan anin a suângtuah phâk bâkin Isuan a hmangaih a ni tih leh chutiang chu tihdanglam thei a ni lo tih ka hrilh a. A hnênah chuan, “Kei pawh hi nangmah ţanpui tûrin ka inring reng a ni. I tâna tihsak tûra min duh apiang ti tûrin ka inring e, khûp bel tlal khawpa ţawngţai tûr pawhin ka inring e,” ka ti bawk a.

### **Chak Lehzual Sauh**

Juana-i chu ka ţawngţaisak bâkah, a thiante pawh lo ţawngţaipui vê tûrin ka sâwm bawk a. Thlâ a lo ral meuh chuan,

hmêl hlim taka minrawn hmûin, “Ka nû, Isua nêna kan inlaichinna chu a duhawm leh tawh khawp mai! Ani chu ka Thian tha ber a ni a, sikul lama ka thiante pawhin A thatna zâr chu an zo vê theih nân theihtâwp ka chhuah ang,” tiin min hrilh a.

Juana-i chuan sikula a thiante hnênah a rinna thû a hrilh chhâwng zêl a. Chû chuan ka rilrû a tilâwm hlê mai. “Bawihte, eng thilte nge i tih thina?” tiin ka zâwt a.

“Ni e, kan zirlai test kan neih dâwn te hian, tha taka kan tih theih nâna Pathian tanpuina dîlpuiah ka sâwm thîn a. A nih loh leh, harsatna eng emaw kan tâwk dâwna kan inhriat chângte hian, an hnênah chuan, ‘Hêng harsatna hi fel taka kan paltlang theih nân Pathian tanpuina i dîl ang u,’ tiin ka rawt thîn a, tiin min chhâng a. Nî tina thiante nêna kan inbiakna vêlah pawh hian Krista chanchin sawina remchâng a tam mai,” tiin min hrilh bawk a.

### **Inbarakhaihna Hlimawm**

Juana-in Pathian hnêna a inpêkna a tuaithar leh tih hriat chu ka tân thil hlimawm tak a ni. Chûbâkah, tân kuartar Chawlhni Sâwmpathumna Thawhlawm thenkhat hmang hian Gabon ramah secondary sikul thar din a ni dâwn a, kan fâten rinna chak an nei thei dâwn tih ka hriat pawhin, inbarakhaihna hlimawm niin ka hria. Ka fanu Juana-i pawh kan Adventist secondary sikul ngêiah a lût vê thei ang a, a thiante leh mi dang za tam tak Adventist sikul luh châk ngawih ngawih te pawh an lût thei dâwn tih ka hriatin ka lâwm hlê a ni.

Gabon ramah hian Seventh-day Adventist kohhran hian hnâ an tan tlâi hlê mai a, mi tam tak hian kan kohhran leh thurinte pawh an la hmêlhriat tha vak lo. Hê secondary sikul thar hi kan neih theih hunah chuan rawngbâwlna kawngah nasa takin a tangkai dâwn a, mi tam takin Isua chu châwisângin, an LALPA leh Chhandamtû-ah an pawm dâwn a ni. Hêng zirlaite hi kohhran hmahlîr leh nghahfâk an ni a, zirna hmangin Adventist kohhran

chak tak a lo ding chho zêl ang a, Gabon mi tam tak Kristâ lo kal leh thuaina tûr atân buatsaih an ni ang.

Ka beisei dân chuan ka fanû Juana-i ngêi pawh hi hê khawvêla Adventist rawngbâwlina zawh a nih thlengin thawktu thahnemngai tak a ni ang tih hi a ni. Chû chu ka fâte zawng zawng tâna ka ãawngtâina pawh a ni bawk. Chutianga sikul kan dîn ngêi theihna tûr chuan Thirteenth Sabbath Thawhlawm hi phal takin i thawh vê dâwn lo’ m ni?

### **Bengvârna Thû**

- Gabon hi independent republic ram, Central Africa khawthlang lam tuipei kama awm a ni. Hmâr thlang lamah Equatorial Guinea, hmâr lamah Cameroon leh chhak leh chhim lamah Republic of Congo, thlang lamah Atlantic Ocean-ten an huâl vêl a ni.
- Tûnhmâ chuan French colony a ni thîn a, chuvângin Gabon hian French ãawng leh hnamzia an hmang nasa hlê a ni.
- Gabon ram zâuzâwng chu square kilometres 270,000 a ni.

**CHAWLHNI 3-NA**

APRIL 15

## **LEO-A SÛLHNÛ, Part 1**

**Gabon**

Bienvenu

**K**A chhûngte chuan, “Kristian i ni ta mâw? Chutiang a theih loh!” tiin min nuh vêl a.

Ka ûnaupa Leo-a tui a tlâk khân kum 12 mê chauh a la ni a. Ani kha ka ngaina hlê a; a tel lo va nun pawh nuam ka ti lo. Na chhâwk nân tiin zu in leh ruihhlo khawih ka chîng ta a ni.

Leo-a a thih khân Kristian pawh ka la ni bîk lo va, mahse ka û Rene nêl khân Bible zirin, Adventist kohhran mi pakhatin a zirtîr thîn a. An pahniha baptisma chan dun thuai zâi an rêl hman a ni.

Leo-a vuina hun kha ka tân chuan insûnna na tak a ni a, mahse beiseina chhetê chu ka nei a. Adventist kohhran mîte chu min ãanpui



tûrin kim taka lo kalin, an ui thûte an sawi liam liam a. Puan in lian tak te, chair te leh eitûr bâk te rawn kengin, kan chhûngkua min hnemna tûrin hlâte an sa bawk a. Chutianga min tawîawmna chuan kan rilrû a hneh hlê a ni.

### **Ka Accident Tawh**

Leo-a kan vui aţanga rei vak lo vah Rene-a chuan baptisma chu a chang a. Ani hian ka nungchang eng mah min sawisêl ngai lo; amâ rinna chu ngâwi reingin a nunpui mai a. Kei lah chu ruihhlo ngaihna lamah ka tlu lût thûk tial tial tung a.

Zan khat chu ka thianpa Rachidy-a nêen club-ah kan kal a. Kan rûi khawp mai a, kan hawn kawngah chuan accident ka tâwk ta a ni. Ka la hriat theih zawng chu car ka en tih chiah kha a ni mai a, engtin nge kan dam theih miâl zâwk tih pawh ka hre lo.

Chuta tanga kâr tam vak lo vah Rachidy-a nêen kan chêtswana chungchâng kan sawi a. A sawi dân chuan, “Ka pû chuan ‘nangmah avâng chauh hian ka la dam a ni,’ tiin a sawi a.”

Kei chuan, “Keimah avâng la dam maw?” tiin ka’n zâwt deuh hâ a. “Engtin nge chû chu i ngaih? Ka tihlum teuh tehlul che nêen!”

Rachidy-a chuan, “Ka pûte hi chuan thiltihtheihna nasa tak nei thlarau hi awmin an ring tlat a. Chûng zînga pakhat chuan la thi lo tûrin a duh che pawh a ni mahnâ,” a ti a.

Rachidy-a nêen a thusawi chu ngaihtuah zui chungin kan ngâwi deuh rân a. Kei chuan, “Ka kal a ngai. Eng emaw ka tih a ngai tlat,” ka ti a. In ka thlen chuan, thla eng emawti chhûnga a wawi khatna atân Bible ka’n kêu va, ka rilru beidawna ril takah êng min neihtîr ta a ni.

Heti hian ka tawngtâi a, “LALPA, Leo-a ang khân ka thilung i hnêna hla vê ka duh e,” tiin.

Chuta chin thla rei vak lo chhûng chu, nî tinin Pathian nêen hun kan hmang thîn a. Bible leh Pi White-i lehkhâbûte ka’n



chhiar chuan, ka thinlung hi Sabbath lama hîpin a awm a, tichuan Seventh-day Adventist ni tûrin thutlûkna ka siam ta a ni.

### **“Baptisma Chan Ka Duh”**

Sabbath lehah chuan ka inkhâwm a, min lo dawngsawnga chibai min lo bûktûte hnênah chuan tu nge ka nih pawh sawi lo chuan “Baptisma chan ka duh a nia,” tiin ka’n hrilh nghâl tawp mai a. Min han en deuh vang vang a, kohhran upa ko tûrin a kal nghâl a.

Minit tam vak lo hnûah chuan pa inchei nalh zarh hi a lo lang a. Ani chuan, “Baptisma chan i duh tih ka lo hria a,” tiin min be nghâl a.

Kei chuan, “Ni e, ka pô, ka duh a lâwm,” ka ti a.

Ani chuan, “Baptisma chan hi thil tha tak mai a ni a, mahse Seventh-day Adventist nih dâwn chuan rin hmasak a ngai tih i hrethiamin ka ring? Naktûk aţang hian inkhâwm chhâwng chho zêl kan ţan dâwn a. I lo kal vê dâwn lo’ m ni?” a ti a.

Inkhâwmnaah chuan zan tin ka kal a, an zawh chuan, ka chhûngte hnênah Sabbath lehah chuan baptisma ka chang dâwn tih ka hrilh a. Tûnhnaia ka lo pianthar vê tâk thû hi ka la hrilh hauh lo va, chuvâng chuan ka thusawi chu an âwih chiah lo rêng a ni. “Kristian i ni vê tawh em ni? A theih loh!” tiin min nuh a. Sabbath tûkah chuan, Pastor-in baptisma chan tum zawng chu ding chhuak tûrin min sâwm a, tichuan kohhran member-ten min lo lâwm thei dâwn a ni. Ka thawh chhuah vê chuan, ka chhûngte chuan mak an tiin, an hlim hlê mai.

A hnûah ka nû chuan, “Rene-a khân a ti ti tak tak tih a sawi a. A chhan chu i tân hian ţawngţai a bâng ngai lo a ni,” a ti a.

### **Sikul Lût Leh**

Zû ka in lai kha chuan thutlûkna dik lo tak tak hi kan siam thîn a, chûng zînga pakhat chu sikul kal bânsan a ni. Tûnah chuan ka chhûngte ţanpui nâna hnathawh neih ka duh vê tawh a, mahse tû mahin zirna mûmal nei lo chu an ruâi duh dêr sî lo.

Sabbath ni khat chu lu kûnin Pathian hnênah ka ɣawngɣai a. “LALPA, thil ka tisial a ni tih ka inhria a. Thil tam tak ka dîl ngam lo che a, thil pakhat, nî tin ei tûr hlawh chhuah theihna tûr hnâ ka hmuh theih nân erawh min ɣanpui hrâm ang che,” tiin ka dîl a.

Chumi tlâi lamah chuan kan kohhran member pakhat hian a restaurant-a thawk tûrin min sâwm a. Rim takin ka thawk a, eng emawti hnû-ah chuan sikul kal chhunzawm theihna tûr khawp sum ka khâwl thei ta a ni.

Zirna ka zawh hnûin, hna ɣha tak ka hmû a. Engkim mai hi fuh vêl vek angin a lang hiâl mai. Ka nû leh pête pawhin Adventist kohhran zawm tumin Bible zirna an nei a, ka hlawh lah chu a lungâwi thlâk viau mai bawk sî. Chutah le, ka pâ chu a thi thut mai a, ka hnâ thawk zui zêl thei tûr chuan Pathian khap thil ka tih ngaiin ka hre ta tlat mai sî a ni.

*[La chhunzawm leh tûr]*

---

### **Bengvârna Thû**

- Max Pierre hi kum 1990 cho vêl khân Gabon Adventist Mission president a ni a. A rawngbâwlina zârah kohhran naupang tak chu a ɣhang duâng hlê a ni.
- Gabon ramah hian Adventist 3,041 awmin, kohhran puitling 18 leh compani 10 a awm mêk.

## LEO-A SÛLHNÛ, Part 2

Gabon

Bienvevu

“LALPA, hausak ka duh lo. Min pêk tûr thil dang eng pawh chu ka duh a. I hnêna mîte hruai thei tûrin min ãnpui ang che.”

*Editor Kamchhuak: Kâr kal ta khân Bienvevu chanchin kan hre tawh a, sum tam tak hlawh theihna hnâ kha a thawk zui zêl ang nge, Pathian thuâwih chu a thlang zâwk dâwn thutlûkna a siam a ngai a. Tûnah hi chuan Gabon rama Seventh-day Adventist Kohhran rawngbâwlna ãnpui tûra remchâнна duhawm tak nei tûra Pathianin A hruai zêl dân chungchâng kan ngaithla thung dâwn a ni.*



*Bul ka'n ãn thar leh dâwn a nih chû!* Hlawh tam tak ka lâk theihna hnâ ka bânsan dâwn chuan ka inngaihtuah nasa hlê a. Chutiang hnâ chelh zui zêl âia Pathian thuâwih zâwk ka thlang chu ka inçhîr lêm lo, mahse ka nû châwmna tûr erawh chu ka nei ta lo a ni. Ka pâin a thihsan aãang kha chuan ka nû hian min rinçhan a ni sî a.

Hetiang hian ka ãawngãai a, “LALPA, eizawwnna hnâ ka thawh leh a ngai a. Nangmâ rawngbâwl chunga thawh theih tûr ka hmuh theih nân min ãnpui ang che,” tiin ka dîl a.

**Mumang Mak Tak**

Zan khat chu ka ãawngãai zawhin, mumang mak deuh mai hi ka nei a. Biak Inah hian ka lo ãing çhuak a, mi pakhat hian min lo bia a. Ani chu member a nih leh nih loh ka zâwt a, ani chuan a nih loh thûin min çhâng a. Ani chuan thû a sawi zêl a, mahse

keimâ harsatna ngawt ka ngaihtuah a, a thu sawi pawh chu mûmalin ka hre meuh lo. Thû a sawi zawh chuan, kal tûrin a ding a. Chutah tak chuan Bible-a Jakoba chanchin kha ka hre chhuak ta a ni. Jakoba kha chuan vântirh kohin mal a sâwm hmâ loh kha chuan a kaltîr phal lo kha a ni a. *Hê mî hi vântirh koh pawh a lo ni maithei a sîn* tiin ka ngaihtuah a. Tichuan, “Min kalsan lul suh!” tiin ka âu ta a ni.

Chû pâ chuan, “Enge i duh le?” tiin min zâwt a. A koki chung zâwn piah deuh lamah chuan sum intiang vûm thûr leh in ropui tak te, car leh silhfên mâwi tak takte hi a lo awm a. Kei chuan, “Hausak ka duh,” tiin ka chhâng a.

Chû pâ chuan pawiti hmêl tak hian min en a, “Thil eng emaw pêk tûr che ka nei a, mahse chû chu dawng tûrin i la inpeih sî lo a ni,” tiin min hrih a.

Kei chuan, “Enge min pêk ang?” tiin ka zâwt a, mahse a chhânna ka hriat hmâin ka mû chu ka harh ta sî a ni.

Ka harh chu ðingthîin Pathian hnênah ka ðawngtai nghâl vat a. “LALPA, hausak ka thlang lo. Min pêk i duh apiang chu dawn ka duh e. Kan ðenawmte thinlungah kan chhûngkua veina i neihtîr avângin ka lâwm a, tûnah hian mi dang thlarau veina neih vê ka duh e. Mi dangte ka pawh theih nân min ðanpui ang che,” tiin ka dîl a.

## **Remchânna Tharte**

Thahnemngai taka ka dîl hnû lawkah, multimedia lamah training ka nei zui a, chutah chuan videography te, photography leh infographics lamte ka zir a. Hetiang tûnlai thiamna hman hian kan kohhran hian chanchin thâ a puângdarh chak thei dawn tih ka hria a, kan zîngah chutiang thiamna nei an la awm rih lo a ni. Pathian hnênah ðawngtaiin, “I khawngaihna zârah, hetiang hi I kohhran ka ðanpui theih dân tûr a ni,” tiin ka hlân a.

Camera ka lei a, inneih leh kohhran thilthleng eng eng emaw thlâte ka lâ a. Inneih thlâ ka lâkna aţanga hlâwkna ka têt sum hmangin camera dang lei belhin, mi dangte pawh ka rawih belh ta zêl a.

Kan kohhran program video-te ka siam a, kohhran zâipâwl hla sakte pawh thlâ lâin, tuâlchhông TV-ah kan chhuah a. Chutianga kan hmalâkna zârah mipuiin kan kohhran an lo hmêlhriat phah a, Pathian chungah pawh ka lâwm hlê a ni. Tûna ka rilrûk ber chu TV lama Adventist channel hran neih a ni ta.

Kan chhôngkaw tâna rawngbâwlina min neihsak tûra Pathianin Adventist mî a chawktho kha ka lâwm a. Tûnah chuan Pathian malsâwmna kan dawnte Gabon rama mi dangte hnênah pêk chhâwn ka duh a. Anmahni hmangaihtu Isuâ lo kal leh thuaina tûra an lo inpeih theihna tûra ãanpui hi ka thil tum ber a ni.

### **Kan Rawngbâwlina**

Gabon ram mipuite Kristâ hnêna hruai theih dân kawng ãa tak pakhat chu sikul hmangin a ni. Tûnah hian kan ramah primary sikul pakhat leh secondary sikul pakhat chiah kan nei rih a. Tûn kuartar Thirteenth Sabbath Thawhlawm hmang hian secondary sikul dang pakhat din tûra ruâhman a ni a, chû chu a lo puitlin hunah chuan rah duhawm tak a chhuah ngêi kan beisei. Hê sikul thar hmang hian non-Adventist zirlai za tam tak hnênah thû kan sawi thei dâwn a, kan ãhalai tam zâwkte pawh pâwn lam rawngbâwlinaah kan hmang ãangkai thei baw ang. Chutianga nih chuan Gabon ramah hian kohhran pawh a lo nghet sawt baw dâwn a ni. Thawhlawmte phal taka thawh tûr leh, Gabon rama mîte zîngah Pathian Thlarau Thianghlimin ropui taka hnâ a thawh theihna tûra min ãawngãaipui tûrin kan insâwm a ni e.

---

### **Bengvârna Thû**

- Gabon ram khawpui chu Libreville a ni a, French ãawng a awmzia chu ‘khawpui zalên’ tihna a ni. Bâwih chhuak hoten kum 1949 khân hê khawpui hi an din a ni.
- Gabon ram sik leh sa awmdân chu ram lum leh boruâk hnâwng a ni.
- French hi an ãawng hman ber a ni a; ãawng dang zîngah chuan Fang te, Myene te, Nzebi te, Bapounou/Eschira, leh Kota te an hmang baw.

**JOYCE-I TÂNA THU LÂWMAWM****Gabon**

Juste Cleona

**J**OYCE-I chu zâwimuângin a lo dâk chhuak a, a biangah chuan mittui a lo luâng ngiâi ngâi a. Kei chuan ka office-ah ko vin, a class tam taka a tihchhiat chhan chu enge ni tih ka zâwt a.

Hun eng emaw chen a ngawih vang vang hnûin hmeichhe tleirâwl kum 16 mê chuan, “Nautê ka nei a. Zankhuân a ɽap a, lehkha zirna hun pawh ka nei lo a ni,” tiin min chhâng a.

A dinhmun chu hriatthiampuiin, ka rilrû a na hlê a. “Nautê chu awmsak thei tûr che an awm a ngem?” tiin ka zâwt a.

Joyce-i chuan, “Ka pî, ka nû chauh a awm, mahse ani hian min ɽanpui a duh lo. A sawidân chuan ‘Naute neih i duh sî a, nangmahin i enkawl dâwn nia’ min ti a. Chuvâng chuan ɽanpuitu ka nei ngang lo a ni,” tiin min chhâng a.

Kûnin Joyce-i kut chu ka vuân a, a hnênah, “Ni lo ve, mahnî chauha mal ɽan i ni lo. Ka ɽanpui theih dân ang angin ka ɽanpui ang che. Isua i ring lo tih ka hria a, mahse Ani chuan a hmangaih chein, i nautê pawh A hmangaih tih ka hria a ni. I harsatna tawh hi hmachhawn thei tûrin a ɽanpui thei che a, nun duhawm zâwk A neihtûr thei che a ni. Chû remchânna chu siamsak i duh em?” tiin ka zâwt a.

**Bulɽan Tharna**

Joyce-i chu a bu ngat a, chumi nî chuan a nun her danglam daih thei tûr thutlûkna a siam ta a ni. Kan chaplain nê Bible zirna an nei dîn ɽhîn a, a naute enkawl dân tûr pawh kan sawi dîn bawk ɽhîn a. Chutianga ɽhiana kan insiam leh fuihna aɽang chuan a rilru hahnate a lo zia deuh deuh a, amah leh a nû inkâr boruak erawh chuan a rilru a la delh rit viau mai.

Nasa taka ɽawngɽaina neih hnûin Joyce-i nû chu tîtîpui ɽhân ka hre ta a. Ani chuan ɽha takin min lo dawngsawng a, mahse a

fanû chungchângah chuan thil a sawi tam duh rih lo khawp mai. Minit rei vak lo chhông kan títî dôn a, ka kalsan dâwn chuan thil eng emaw ka tihsak thei a ngem tih ka zâwt a. Ani chu a bu nghat a.



Kei chuan, “Ka nû hian pasal a neih hmâin fâ a nei a. A tân pawh nun hi a khirh khân hlê mai a, mahse chû chu a tâwpna a ni bîk lo. A hnûah pasal neiin fa dangte pawh a nei zui a. I fanû pawh hian thil chu a tvisual ngêi mai a, mahse pawi tiin a inchhîr êm êm a ni. Tûnah hian amâ nûn leh a fapa nun chu malsâwmna ni thei tûrin theihtâwp a chhuah mêk a. Mahse nang hi a mamawh sî che a ni. An pahnih hian an mamawh che,” tiin ka hrilh a.

Hun chu a duh deuh nân, Joyce-i nû nêh hian thianah kan insiam a, tichuan ani pawhin a tupa awmtû tûr zawnsakin, a fanû chuan a zirlai a chhonzawm thei dâwn ta a ni.

Ni khat chu Joyce-i chuan thu lâwmawm deuh mai min hrilh a. “Isuâ hnênah ka thinlung ka hlân tawh a, baptisma chan ka duh a ni!” tiin phûr takin a sawi a. Ka thinlung chu lâwmin a zâi a ni ber mai. A thutlûkna avâng chuan ka hlim a, khatiang taka nun hrehawm tuâr tanpui theihna remchâng Pathianin min pêk a, nun hlim a lo neih leh theihna chungah pawh ka lâwm hlê a ni.

## **Nun Danglam**

Gabon rama kan Adventist secondary sikul hi ram thim rawngbâwlina sikul a ni ber mai. Heta kan zirlai tam zâwkte hi non-Adventist an ni hlawm a, Kristian pawh ni lo fâte tam tak chu ruihhlo ngâte an ni nawk mai.

Chutianga zû leh ruihhlo ngawlvei kan tanpui pakhat chu Corneille-a ni. Ani hi zirlai dekhirh leh mi zahna nei lo a ni. Class-a buaina siamte a chông a, thunun ngaih vânga principal office-a koh pawh a tâwk zing viau a ni. Class chhônga mâwi lo taka a chêt leh lehkha zir a duh loh tlat laite hian a chungah dawhthei leh hmangaih thei tûrin ka dil fo thîn a.

Kan chaplain chuan Corneille-a chu Bible zirpuina a nei a, sikul lamah pawh chutiang mawhphurhna chu kan pê a. Ani chuan Corneille-a chu an class-a hotu leh zirtîrtûte ãanpuituah a ãantîr a. Tûk tin hian sikul ãan hmâin chaplain nên chuan an ãawngãai dûn ta ãhîn a.

Zâwi zâwiin, Corneille-a chuan hmâ a sâwn ta hret hret a. Class-ah pawh zirtîrna ãha takin a ngaithlâ a, ãhiante chu ko khâwmin an hnênah Isuâ chanchinte a hrilh a, Kristian nih nawmziate pawh a hrilh ta zêl a. Tûnah chuan chûnglai vêla rawngbâwltu thawk hlâwk ber zînga mi a ni ta hial mai!

Ni khat chu, zirlaite hnênah mihring nun leh nungchang hi thlâk theih a nih leh nih loh ka zâwt a. Hmeichhe naupang pakhat chuan a bân a phar a. “Theih e! Corneille-a hî!” tiin hlim takin a sawi chhuak a.

Kan Seventh-day Adventist secondary sikula kan mawhphurhna chu zirlaiten Isua an hriat a, A zirtîra siam hi a ni. Pathian khawngaihna zârah, chutiang chuan zirlai tam tak kan lo ãanpui vê tawh a, mahse secondary sikul pakhat chauh kan neih avângin kan thawh chak tûr angin kan thawk thei lo zâwk a ni.

Tûn kuartar Thirteenth Sabbath thawhlawm ãhenkhat hi hmangin Gabon rama secondary sikul thar din a ni dûwn a, tichuan zirlai tam zâwk Kristâ hnêna hruai an ni thei ang. Gabon rama rawngbâwlna hi nasa taka malsâwmsak a nih theih nân thawhlawm pawk taka thawh tûrin kan insâwm lâwk a ni e.

## **Thukhawchâng**

Kum 1990 chho vêl khân Gabon ram khawpui Libreville chheh vêl khuâtea political hruaitûte chuan independent Christian kohhran din zâi an rêl a. Hêng lai vêla sorkar milian tam zâwkte hi Kristian pawh an ni lo.

Chû kohhran pâwl chu a ãhang dûang hlê mai a, Bible zir leh an thurin ennawnte an ti a. Seventh-day Sabbath chungchâng an zir chuan, an ramah chutiang pâwl an awm pawh an hre chiah sî lo.



Libreville khawpuiah Seventh-day Adventist an awm tih an hriatin, an thurin leh thuchahte zir tûrin palai an intîr ta a. Tichuan mission president Max Pierre chu Adventist thuchah an hnêna sawi tûrin an sâwm ta a ni.

Chuta an mî leh sâ zawng zawng deuhthâwte chuan lo pawmin, baptisma an chang a, an inkhâwmna in pawh chu Seventh-day Adventist biak in a lo ni ta a ni.—From *Precious Memories of Missionaries of Color*, volume 2, by DeWitt Williams. Used by permission.

**CHAWLHNI 6-NA**

MAY 6, 2017

## **TIHDAMNA SIKUL**

**Gabon**

Jean and Andre

***Editor Kamchhuak:** Gabon Adventist secondary school principal pahnih, pakhat zâwk tûna ãang lai leh pakhat zâwk a hmâa mîte hian hê sikula zirlai an nih laia Isua nêna intâwkte chanchin min hrih dâwn a ni.*

**H**NI hi Jean Sangwa Samale, Gabon rama Libreville khawpuia Adventist secondary sikul principal ãang lai a ni.

Kan sikul hi hospital ang deuh a ni a. Mîte hi an dam loh chângin emergency room-ah an kal a. Hê khawpuia chêng naupang chîn ãa lo chîngte chu an nû leh pâten kan hnênah an rawn hruai bawk a, keinin Tidamtu Ropui zârah zirna changkâng tak kan lo hlui ãhîn a ni.



### **“A Sim Loh Chuan, Chhiatna A Tâwk Ang”**

Zirlai pakhat kan ãanpuina sâwtputu pakhat chu Mapikoud-a a ni a, ani hi zû leh ruihhlo ngawl vei tawh a ni. Kum 18 mî a ni tawh a, mahse pâwl 7 a la zir chauh a, pâwl ngâiah hian a su nawn fo ãhîn a ni. Ni khat chu a nû leh pâten kan sikul an rawn tlawh a, thu khawchâng min sawipui a. “Kan fapa tân hian

theihtâwp kan chhuah tawh a. Tûnah chuan tih leh chuân ngaihna kan hre tawh lo. A thil chîn hi a sim loh chuan a chhiatpui ngêi dâwn sî a ni. Kan thenawm vêla mîten zirna t̄ha tak in neia, thawktûte pawh zirlaite chung a an ngilneihzia an sawi a. Sorkar sikul hi chu a thlâwna zirna chu a ni a, mahse kan fapa hi in tanpui theih dâwn phawt chuan atâna insênso hi kan inhuâm a ni,” tiin an sawi a.

Tichuan Mapikoud-a chu kan ziak lût a, a tân theih tâwp kan chhuahpui nghâl a. A hnênah chuan, “Mapikoud, i nun hi i duh phawt chuan i insiam t̄ha thei a nia. Nang pawhin theih tâwp i chhuah vê chu a ngâi ngêi dâwn a, mahse chû chu tih i duh dâwn phawt chuan, kawng tin rênga puih che chu kan inhuâm sâ a ni. Zû leh damdâwi ruihhloin enge a thlen t̄hin chu i hre tawh a. Chûng chu i chungah a thleng tawh tûr a ni lo. Hmalam kâwl êng tak nun chu i thlang thei a ni,” tiin kan fuih a.

Kan sikul chaplain nêh Bible zirna kan neihpui nghâl a, nî tinin Mapikoud-a chu t̄awngt̄aina kan neihpui baw a. Chutiang chu a thil hriat t̄han a ni lo va, Kristâ chanchin pawh a la hre ngâi lo va, chutiang chung chuan kan sikulah a lo kal vê râwih a ni.

Mapikoud-a hnênah chuan duhthlanna hrisêl siam dân thurâwnte kan pê a, tichuan a ko vah mawhphurhnate kan hlân baw a, an pâwla zirlai hotû berah kan ruât a ni. Tichuan zâwi zâwiin a rilrû lo fimin, rilru sùkthlêk leh thlarau lam thilah pawh hmâ a sâwn hlê a. A nuna danglamna lo lang an hmuhin, a nû leh p̄ate chu an hlim hlê a, a nâu mipa naupang pawh an rawn luhtîr ta zêl a ni.

## **Hetah Hian Hmangaihna A Lo Thleng**

Chutiang deuh tho chu kum 19 mi Moukala chungah pawh a lo thleng vê a. Pâwl ngâiah a sùk nawn zin êm avângin kum 19 a nih pawhin pâwl 9 chauh a la zir a. A nû leh p̄ate chuan kan hnênah rawn hruaiin, meizûk leh zu in bânsan tûra tanpui tûrin min ngên a.

Keinin Moukala chu hmangaihna nêna enin, Isuâ hnên pan tûrin kan ãanpui a. A nuna hmasâwnna an hmuhin, a nû leh pête chu an lâwm êm êm a, tichuan a farnû pawh sikulah an rawn dah a. An ûnau hian Isua hmangaihtu niin, inkhâwm pawh an taima dûn hlê a ni.

Tûn hmâ lawka kan principal Andre Kabwe pawhin tlêma zâwnng hrilh vê duh che u a nei.

### **Tûmâ Hriat Loh Hmeichhe Naupang**

Gabon ram aãanin chibai u le! Kan sikul hmanga Isuâ tâna rawngbâwl a nih dân chanchin han hrilh che u hi thil phûrawm tak a ni.

Mahnî nuna thil mak danglam deuh tak tawngtu kan zirlai zînga pakhat chu Dorcas-i hi a ni.

A nû leh pête chung a thil thleng ka hre lo va, mahse a pî hnênah awmin, kan sikulah a rawn lût vê a. Mei zûk leh zu ruih chîng tak a nih bâkah, a nunphung hrim hrim pawh a hrisêl vak lo; Pathian lam thil phe chu hriata ram a nei lo.



Tûnah hian Dorcas-i chu hmu vê thei ula ka ti hlê mai. Isua chu a Chhandamtu-ah pawmin, baptisma pawh a chang tawh a. A Bible pawh hi a thlah ngai meuh lo a ni ber. A phone-ah hian sermon leh Pi White-i thuziak a pâi reng a. An ãhenawmte leh zirlai puite chu Krista hnênah a hruai ãhîn a ni.

Kan zirlai zînga pakhat chuan, “Dorcas-i hi kan hre tawh lo. A nun a danglam vek tawh a. Tûnhma lama Dorcas-i kha a ni ang tih rintheih loh khawpin a danglam nasa tawh a ni,” tiin min hrilh a.

Dorcas-i hi Gabon rama Adventist sikul zirlai zînga Isua nêntawhna neih vânga nun lo danglam ta za tam tak zînga pakhat a ni.

## **Sikul Tê, Rawngbâwlina Zâu**

Kan secondary sikul hi ramthim rawngbâwlina hmun pawimawh tak a ni. Heta lo lût zirlai tam zâwk hi Adventist an nih loh bâkah, ðhenkhat phei chu Kristian pawh la ni lo sâkhaw dang betûte an ni. Nî tin hian ðawngtâina leh Pathian biaknain bul kan ðan ziah a. Naupangte hnênah Bible zirtîrin, an nuna bel dân tûrte kan kawhhmuh ðhîn a. Thinlung taka Pathian nêna inzawmna nghet tak nei tûra kan ðanpui bâkah, a mamawhtûte tâna pâwn lam rawngbâwlina nei tûr pawhin kan ðanpui bawk a. Pathian khawngaihna zârah, zirlai tam tak chuan an nun hi Isuâ hnênah hlânin, baptisma an chang a. ðhenkhat chuan sikula an thil zirte hi an ðhiante leh mi dangte hnênah an hrilh chhâwng vê zêl bawk a. Chutiang chuan Kristâ hnên lamah an hruai ðhîn a ni.

Kan chhehvêla harsatna leh natna ûm bo tûr hian kan tih theih ang apiang kan ti zêl a. Tûnah secondary sikul neih kan beisei mêk hi kan neih theih ngat phei chuan, kan rawngbâwlina leh hmalâknate hi nasa zâwka lo hlawhtlingin, nasa zâwkin rah kan seng thei dâwn a ni. Tûn kuartar Thirteenth Sabbath Thawhlawm hmang hian secondary thar chu din tûra ruâhman a ni a, Kristâ hnêna mi tam zâwk hruai theih hlân kan nghâkhlel hlê mai! Ûnau duh takte u, min ðanpui vê dâwn lo'm ni?

---

### **Bengvârna Thû**

- Gabon ram hi kum 1960 August 17 khân a indang a.
- Gabon hi thing, petroleum, manganese leh thîr lamah a hausa hlê.
- A ram hmun lía hmun thum vêl hi 'Rainforest' hian a khuh a, ngâw an nei ðha hlê. Nungcha humhalhna pawh an nei ðha hlê a ni.

## THIM ZÎNGA ÂW CHU

GABON

Abraham

**K**UM 40 teh meuh zû ka in chhông khân ka thihpui ðhelh a ni. Eng vâng a lo in ðan ngê ka nih pawh ka inhre lo va, mahse ka sim thei hauh tawh sî lo. Engti kawng maha ðat chhuah leh pawh ka inbeisei tawh lo.

Ka nupui chu Kristian a ni a. Min thih san hmâ kum tam tak chhông khân min ðîlsak reng ðhîn a. Ani khân Isuan min hmangaih tih min hrilh fo ðhîn a, ka tân thil ða zâwk min neihsak a ni tihte pawh min hrilh a, mahse ka zu ûm chu ka chelh nghet sauh sauh a, amah leh a Kristian nun chu sîrah ka hnâwl a ni.



ðlâi khat, thil a duhawm loh zual lai takin, ka khum kiangah ðhingðhîn ka ðawngðai a. Bianga mittui luang zawih zawih chungin, “Isu, i ðanpui ðlâk pawh ka ni lo, mahse hê zu ngawlveina lak atâ hi min chhanchhuak hrâm teh,” tiin ka ngên a.

Chutianga chhanchhuahna ka ðîl lai chuan, ka thinlunga thu rawn sawi hi ka hre ta a. Chû âw chuan, “Ding la, min zui rawh,” a ti a. Chhuanlam pawh siam lo vin, pheikhawk ka bun sawk sawk a, âwin min kawhhmuhna lam kawngah chuan ka zui a. Ka kal zêl a, a tâwpah chuan ding tûrin min tí a. “I hma lam khi thlîr rawh,” min ti a. Ka’n dâk chhuak a, chutah chuan Seventh-day Adventist Biak In tih intâr hi ka chhiar thei a. “Hetah hian ðawngðai tûrin lo kal ðhîn ang che,” tiin min hrilh a.

Chutah chuan mî an lo inkhâwm mêk tih ka hria a, a chhôngah chuan lûtin, tlar hnung lamah chuan ka va ðu vê ta a. Thuhrihtu chuan Pathian Thû a ðangin beiseina chungchâng hi a lo sawi mêk a. Chû chuan min tiphûr viau mai a, tichuan a tûk zîng leh Zirtâwp zânah pawh ka inkhâwm zui leh nghâl a.

Chuta âw bawk hian ka hnênah thû a rawn sawi leh a. “Eng mah ti lo vin biak in chhôngah khân awm mai mai suh. Isuâ tân

thawk rawh!” a ti a. ‘*Enge ka tih theih ang le âw?*’ tiin a ngaihna ka hre lo hlê mai a. ‘*Ka upa tawhin ka chak lo hlê bawk sî!*’ tiin ka ngaihtuah zui a. Âw chu ka’n ngaichâng leh a, mahse a reh hmiah bawk sî!

### **Biak In Enkawltu**

Ni eng emawti hnûah chuan ka rilrûah ngaihtuahna a lo lût a. Hmanraw tlêm kengin biak in lam panin Zirtâwpni chawnhû chuan ka tifâi ta a. Tukverhte ka sil a, chhuat ka phiat a, ÷hutthlêngte pawh ka hru fâi ta zêl a. ÷hutna tinah chuan hlabû ka chhawp bawk a. Inkhâwm tûra mîte an lo kal chuan hlim takin ka lo dawngsawng zêl a. Biak in thianghlim leh fai tak an hmuh chuan, lâwm tih hriat tak chung hian, “Engtik aţang khân nge enkawltu hnâ hi i thawh ÷an a?” tiin min zâwt hlawm a. Kei chuan, “Pathianin ‘hei hi i hnâ tûr a ni e’ tih min hrilh aţang khân,” tiin ka chhâng vê mai a.

A hnû kârah chuan, sum tlêm lâk luh theihna tûr hna chhetê ka thawk a. Chutah chuan âw bawk hian, “Engati nge hetah hian sum hlawh tûra i thawh ni? Ka in chu hnim sâng pui puiin a hual khup sî a?” tiin min zâwt leh chat mai a. Inah ka hâwng nghâl vang vang a, hlo thlawh leh sâmnna tûr kengin biak inah ka kal a, ka theih ang tâwkin ka tifai leh ta a ni. Chutiang chuan mawhphurhna ka neih belh vê ta zêl a nih chu.

### **Hmangaih Rawngbâwlna**

Sipai aţanga pension ka nih avângin pension hlawh tlêm ka la vê ÷hîn a, chuvângin hlawh hran nei lo vin biak in enkawl hnâ chu ka thawk thei a. Hmangaih rawngbâwlna a ni a, chutiang chuan kohhranah ÷angkaina ka nei vê thei a ni.

Kum 40 teh meuh zu ruih kâwi nâna ka hman ral tâk kha, khatieng khân lo ti lovin, ÷angkai zâwkin lo hmang ni ta ila ka inti hlê ÷hîn. Tûnah chuan thâte a lo ÷thum tâin, beng a ri hriatna pawh a chak tawh lo. Mahse nî tina Pathian malsâwmna ka dawna chungah ka lâwm êm êm a. Ani chuan A êng mak tak lamah min hruai a, nakin lawkah chhe thei lo, thi thei lo ni tûrin

min la tidanglam ang. Tûna chakna leh thahrui ka la neih ang ang hian A rawng bâwl zêl ka tum a ni.

### **Thil Mak Tak**

Kum khat emaw lek kal ta khân Isua chu ka Chhandamtu atân ka pawm a, tûnah chuan min chhandam tûra Pathian hmangaihna chanchin hi mi dangte hnênah ka theih ang angin ka hrilh vê thîn a. Chutianga ka hrilh tûr atân chuan keimah ang bawka zu ngawlveite hi ka zawng chhuak a, an tawrhna leh beidawnnahte ka tanpui vê thîn a ni. An hnênah chuan A Thûte an ngaihlâk duh phawt chuan, an nun thimna lak atâ A chhanchhuak duh êm êm a, nun êna lama hruai a duh thûte ka hrilh a. Thil mak tak pawh tihsak A duh thûte ka hrilh bawk a. Isuâ hnêna mîte hruai kawngah hian hlawh tlinna vak chu ka la nei lo nân, ka thih hmâ zawng chuan beih zui zêl ka tum dâwn a ni.

Nun thara nuna Isuâ tâna thil eng emaw tih nân tlâi lutuk tawhah in lo inngai vê pawh a ni thei e, mahse zâm lo vin, huaisen takin bul tan rawh u. Biak in tifâi leh tukverh te sil a, ka phiah fai tan khân kum 83 mi ka ni tawh a. Nangni pawh in nunah thil thar A tihsak thei che u a ni. A la tlâi lutuk lo va, a harsa lutuk hek lo, Isuâ tân eng emaw chu kan ti thei theuh a ni.

Tûn kuartar Thirteenth Sabbath Thawhlawm thenkhat hmang hian Gabon rama Adventist secondary sikul sak a ni dâwn a. Kan rama thalai tam tak hi zû leh ruihhlo ngawlvei an ni. Thawhlawm hi phal taka in thawh chuan, hê sikul sak ruâhman hi lo puitlingin, kan thalai tam takte chu Isuaa zalêna leh hlimna chên tûra tanpui an lo ni thei dâwn a ni.

### **Bengvârna Thû**

- Tûn kuartar hi Gabon ramin Thirteenth Sabbath Thawhlawm an dawn tum khatna tûr a ni.
- Gabon hi West-Central Africa Division pêng khat a ni. Hê division hian hêng ramte hi a huâm: Benin, Burkina Faso, Cabo Verde, Cameroon, Central African Republic, Chad, Congo, Cote d'Ivoire, Equatorial Guinea, Gambia, Ghana, Guinea, Guinea-Bissau, Liberia, Mali, Mauritania, Niger, Nigeria, Senegal, Sierra Leone, leh Togo.

**INFIAMNA MAI NI LO, Part 1**

Nigeria

Ndubuisi

**L**UNGNIAIH leh zah vângin ka ethingthi hnawk a. Pathian ni sarihna Sabbath zah leh châwisâng tûra enkawl seilen ka ni a, mahse hna thawk thei ruâl ka lo nih vê tâkah khân, kan pûte rêng rêng hian Sabbath nâa thawk tûrin min ngiat tlat zêl sî a. “LALPA, Sabbath nî hi chuan Nangmah hi thupui bera neih theih che ka duh a. I rawng ka bâwl theihna tûr hnâ ka hmuh theih nân min tanpui ang che,” tiin ka ɽawngɽai a.

**“Chhuak Nghâl Rawh!”**

Ka ɽawngɽai aɽanga kê tam pawh a liam hmân, kan in luah neitupa chuan ka puanthuah têla chhuak nghâl tûrin min ti ta mai a. Ka in luah man ka tlâk theih nâna hun tlêm tal min la awmtîr tûrin ka ngên a, mahse ani chuan chumi zân lâ lâa chhuak nghâl tûrin min nawr tlat a. Ka ken theih zawng kengin ka chhuak a, ka thil neih dangte chu huanah ka dah rih a.

Chumi zân chu pâwnah ka riak a, engtin nge ka awm tâk zêl ang tiin ka inngaihtuah nasa hlê a. “LALPA, tûnah hian chênna tûr leh eizawna hna thar ka mamawh hlê mai,” tiin zâm tak chungin ka ɽawngɽai a. Mamawh lah chu ka ngah deuh deuh a, rilru hlimna ka neih chhun chu, a tûk Sabbath a lo ni hlah chu a ni a, chutah chuan ka ɽhiante nê inhmuh ka beisei a ni.

Chumi tûka biak in ka thlen chuan, ka thiltawn chungchâng chu ka ɽhian pâ hnênah ka hrilh a. Ani chuan, “Hawh, ka hnênah lo awm vê mai rawh. Tûnah hian ɽhian pakhat awmpui lailâwk ka nei a, mahse kan pathum tân pawh ka chênna chu a zâu tâwk tho a lâwm,” a ti a.

Tunhma lam chuan Babcock University chungchâng eng mah hriat ka nei lo, mahse ka in luahna ɽhin ɽhianpa chu chuta lût ɽhîn a lo ni a. Eizawn nân tiin truck ka khalh ɽhîn tih a hriatin, a nû leh pâte hnênah ka chanchin a hrilh a. Ani chuan beisei tak



hian, “Chutah chuan i inhlawhna tûr hnâ an nei maithei a sîn,” tiin min hrih a.

### **Tawngtai Chhâna**

Kâr lohah, Babcock University chuan an zînga thawk tûrin min sâwm a. Ka lâwm kher mai. Pathianin chênna hmun tha tak min buatsaihsak chauh a ni lo va, hna thawh nuam ka tih zâwng tak thawk chung a rawngbâwl theihna tûra remchâna min siamsak zâwk a. Ani hi chuan min ngaihsakin, min tihsak nasâ a, chû chu ka theih dân ang ang rulh lêt vê ngêi ka tum a ni.



Babcock University lam ka pan tâkah chuan, campus chhông leh chông lai vêla chêng tam tak chu Kristian an ni vê lêm lo tih ka hre thuai a. Engti kawng emaw zâwng taka an tâna rawngbâwl na neih ka duh a, tihdân tûr kawng min kawhmmuh tûrin Pathian hnênah ka ngên a.

Ni khat chu ka truck hnuaiah ka mô a, a chhe lai ka siam that mêk lai chuan ka lu bula gym pheikhawk hrawl tak chu ka hmô a.

Aw thôm dût mai hian, “Mr. Sylvanus, min la hria em?” tiin min zâwt a. Ka’n chhuah tâkah chuan, pa lian leh sâng tak mai hi ka hmu ta a. Mî hriat reng theihna ka nei tha lo hi hrehawm ka ti zâwk thîn a, ka’n ngaihtuah vang vang a. A tâwpah chuan, “Ka hre chhuak thei ta mai lo che a, min ngaidam rawh,” ka ti ta thlâwt a.

Ani chuan, “Kum thum vêl kal ta khân ka environmental degree a taka hlen tûrin ka chêt a ngai a. Motor i nei tih ka hmô che a, min chuântîr vê tûrin ka ngên che a, nang chuan hlim takin min phur ta a nih khâ,” a ti a.

Chutah zet chuan, khatih laia mipa naupang inthlahrung deuh taka tanpui min rawn dîl kha ka hre chhuak leh ta a. Tûnah chuan mahni inrintâwkna nei tak a lo ni ta a ni.

## “I Duhsakna Ka Mamawh”

“Thil eng emaw min tihsak leh tûrin ka ngên duh che a,” tiin sehchilh deuh nak hian a ’n sawi a. “Tûnah hian kan campus chhûngah hian football team neiin, league-a vel vê kan duh a. Mahse infiam hlimna satliah mai a ni sî lo. Rawngbâwlna a ni mah mah zâwk. Kan Adventist Youth Ministry rawngbâwlna project zînga pakhat a ni a, non-Christiante nêna inpawhna thâ neih theih nâna tih a ni. Hetah hian coach kan mamawh a. Min tanpui thei dâwn lo’ m ni?” a ti a.

*[Chhun zawm leh tûr]*

## Mission Thuchah

Hello,

Kei hi Oyewole Oyerinde, Babcock University’s Pioneer Church-a thalai enkawltu pastor ka ni. Tûn kuartar Thirteenth Sabbath Thawhlawm thenkhat hmang hian kan campus chhûnga kan thalai za ruâl teh meuhte tân multipurpose center sak a ni



dâwn a ni. Tûna he campus chhûnga awm mi thahnem tak hi non-Christian niin, Kristian ziarâng an hre tlêm hlê a, kan Pathian biaknaa tel leh thalai program vêla tel pawh an âwn vak lo.

Hê multipurpose center thar hi chutianga non-Christian zirlaite Kristâ hnên lama hruai an nih theih nân a tângkai hlê dâwn

a. Thahnemngai taka thawhlawm leh in tawngtaina hmanga min tanpui tûrin kan insâwm a ni e.

## INFIAMNA MAI NI LO, Part 2

Nigeria

Ndubuisi

*Editor Kamchhuak: Kâr kal ta kan thu chhiarah khân, Ndubuisi-a chu Babcock University campus chhông leh chheh vêla non-Christiante pawh dân kawng kawhhmuh tûrin Pathian hnênah a dîl a. Tûnah hi chuan football khelhna hmun hi a tân rawngbâwlna hmun a nih dân min hrilh zui dâwn a ni.*

**C**AMPUS chhônga football team enkawl tûra min tih khân, ka tân chuan vânrama inkhêl tûr ang mai hi ka ni a. Football hi ka ngaina êm êm a, pâwnlam rawngbâwlna pawh ka phûr zâwng tak a ni bawk a. Mahse hê team enkawltu han nih tûr chu tlêma hlauhthâwnna ka nei deuh a. An zîngah hian khawpuia mî rough deuh taka khêl thîn tlêm an tel vê tih ka hria a, ka thusawi an bengkhawn tha duh lo vang tih ka hlâuthâwng a ni.

### “Ball Kan Khêl Lo”

Ka’n ƣawngƣai leh zawk hnû chuan, han tih chhin vê râwih ka tum ta a. Kan training-na hi ƣawngƣaiin bul ka ƣanpui ziah a, thû pawh tlêm ka sawi thîn. Kan team member a zahvê vêl chu Adventist an ni vê lo va, chuvâng chuan Zirtâwp zân leh Sabbath nîa kan inkhelh vê ngai loh chhan tûr ka hrilh a. Team dangte chuan Sabbath nîa inkhêl an ruâhman laiin, “Sabbath nî chu LALPÂ puâl a ni a. Ball kan khêl vê lovang,” tiin ka hrilh a. Tûnhma lama Babcock University pawh la hre ngai lote pawhin kan team zârah Sabbath nên lam hriatna an neih phah a. Keini tân chuan football field hi rawngbâwlna mual a ni zâwk mah a, mîte hnênah Pathian hmangaihna kan lantîr thîn a ni.



Thil lâwmawm tak chu, kan team membrete tih an nuâm viau hi a ni a, Isuâ chungchâng ka hrilh pawh an ngaithla tha tlat zêl. Tharum thawh an chîn pawh an lo ziâwm chho zêl a. Anmahni hrim hrim pawh an inlaint thiam a, ãawngkam mâwi lo leh dêngkhâwng hman pawh an chîng ta lo. Uniform leina tûr nei lo pawh a neiten an leisak zêl mai a ni.

Tlangvâl pakhat phei chu kan teama khêl tûra Pathian rawn tirh a ni tih hi ka chiang khawp mai. A hming chu Jamiyu-a a ni. Amâ chungchânga thil pahnih ka hriat deuh rân chu: practice a pelh ngai lo va, tû mâ hnênah thil a sawi vê ngai lo. Taima takin football a khêl a, chuti chungin zir tûr tam tak a la nei cheu.

Ni khat chu Jamiyu-a chu ka ko fâl a, enge a an zêl ka zâwt a. Ani chuan, “Ka ãhâ e,” tiin min chhâng mai a. A rûk deuhin an chhûngkaw chanchin ka zâwt a, tichuan a chanchin chu ka hre thei ta a ni.

### **Khawsak Harsâ**

“Tûnhnâi deuh lawk khân ka pâin min thihsan a, chutah ka nûin ka nâute hruaiin min chhuahsan zui ta a ni.”

Ka âwih lo deuh hial zâwk a. “Mahni inenkawl tûrin a kalsan che a maw?” tiin ka zâwt a. Ani chu a bu nghat a, a mittui a lo hnâm ãiâm ãiâm a. Jamiyu-a chu sikul pawh kan zawm thei lo vin, a ãhian pakhat a bêl ta ringawt a. Nî tin hian harsa takin a khawsa chho vê ta a ni.

Jamiyu-a nuam tih awm chhun chu football khelh a ni. Ka tân chuan chû chu a tâwk khawp mai. Ka thlazâr hnuaiah ka awmtîr a, nasa zâwka inzir tûra fuihin, a eitûr leh thawmhnâw chu ka ngaihtuhsak a. Thawmhnaw nawh mâmna hmuna hnâ a hmuh chuan, nakina sikul a luh leh theih nâna pawisa khâwl tûrin bank account hawng tûrin ka ãanpui a.

Jamiyu-a hnênah chuan, Isuan a hmangaih a ni tih leh, kei pawhin ka hmangaih a ni tih ka hrilh a. Kan Adventist Youth Ministry (AYM) program-a Isuâ chanchin la hriat belh zêl a duh leh duh loh ka zâwt a. Ani chuan ka sâwmna chu lâwm takin a pawm a.

Jamiyu-a chuan Isuâ hniakhnung zui zêl tûrin a inngaihtuah mêk a. A chung a thatna ka lantîr Isuan min hman ƣangkai sak a, A fâ a hmangaih a ni tih ka lantîr thei chu ka lâwm hlê a ni.

### **Ƣhang Lian Deuh Deuh**

Kan football team min zah thiamna zârah chû chu remchânga lâin, an hnênah Kristâ chanchin ka hrihl zêl a. Kei pawh AYM-a tel zâi ka rêl a, tichuan khawpuia ƣhalaite zînga pâwn lam rawngbâwlna an huaihawtah pawh ka tel vê thei dâwn a ni. Chutiang chu a nuamin a hlimawm khawp mai. Ƣhalaite chu kan Sabbath inkhâwmnaahte an lo tel vê ta hlawm a, AYM program-ahte pawh an tel vê ta zêl a. A nuam khawp mai, mahse harsatna lian tak kan nei tlat!

Kan campus chhûngah hian building lian, ƣhalaite han inhmuh khâwmna tûr kan nei rih lo tlat mai a. Class room te tak tê têah kan insem darh a, chuti chung pawh chuan member kan pung zêl a, hmunin min dawng sêng lo a ni ber mai!

Tûn kuartar Thirteenth Sabbath Thawhlawm ƣhenkhat hian kan campus chhûnga youth center sakna tûr min tumsak dâwn hlauh mai a. Chû chu a lo puitlin hunah chuan kan harsatna lian ber chu chinfelsak kan ni ang. Thirteenth Sabbath-ah phal taka thawhlawm in thawh dâwn avângin kan lâwm a. Pathian khawngaihna zârah A hmangaihna leh Kristâ lo kal leh thuaina tûr thuchah chu phûr zâwkin kan pûang thei dâwn a ni!

---

### **Bengvârna Thû**

- Hê multipurpose youth center sak tûrah hian biak in leh auditorium pawh a tel dâwn a, ƣhalaite chher puitlin nân a ƣangkai hlê dâwn a ni.
- Hê center hian Adventist Youth Ministry hruaitûte ruâhmanna tipuitlingin, Adventist thuchah an zirlai pui non-Adventist-te hnêna hrihl kawngah nasa takin a ƣanpui dâwn a ni.
- Center lian tâwk tak, Babcock Adventist ƣhalai leh an ƣhianté inkhâwm ho theihna tûr khawpa lian a ni dâwn a ni.

## KA HMATHLÎR

Nigeria

Jemimah

**B**ABCOCK UNIVERSITY, dân lam ka zirna hmuna ka rinna thû mîte hnêna hrilh chhâwn hi nuam ka tihzâwnng tak a ni a. Hê hmuna zirlai tam tak hi Kristian pawh an ni vê lo va, chuvâng chuan chûng mîte hnêna Isuâ chanchin hrilhna remchâng hi ka ngah mai a. Dik tak chuan, hmân nî deuh lawk pawh khân ka thian, ka tawngtaipui thîn hnêna hrilhna remchâng ka nei a ni.

Chaw-eina hmun (cafeteria) lam pana ka kal lain ka thian pa Confidence-a\* chuan minrawn ûmphâkin, kan kal dûn ta a.

A pen hmanga minrawn hawlh chung chuan, “Ka en vang vang che hian, Adventist nih hi nuâm i ti riâu thînin ka hria,” a ti a.

Kei pawh chuan, engti zâwnngin nge kan inbiakna chu a kal zêl dâwn tih pawh hre lêm lo chung chuan, “Adventist nih hi nuâm ka ti ngawt rêng a sîn!” tiin ka chhâng a.

Ani chuan, “A chhan min hrilh vê teh,” a ti a.

Kei chuan, “Ni e, pakhatah chuan, Sabbath hi nuâm ka ti,” tiin ka chhâng a.

Ani chuan, “A nih, engvângin nge Sabbath chu i rin bur mai ni le?” tiin min zâwt a.

Engtianga chhân nge tha ber ang tia ka ngaihtuah lai chuan, Confidence-a chuan nghâkhlel takin lei a lo per tlah tlah a. “Jemimah, hun a tâwp. Engtin nge min chhân dâwn?” a ti a.

“Bible chuan Isua khân Sabbath nîin Pathian chibai a bûk thîn tih min hrilh a. Kristian kan ni a, A hniakhnung kan zui zêl tûr a ni dâwn lo’ m ni?” ka ti a.

Confidence-a chuan a mit sîra min melh chungin, “Ngaihna hle mai. Chû chu chik deuh zâwkin ka lo la ngaihtuah zui a nge,” tiin min chhâng a.

A hnû ni tam vak lo vah chuan, Confidence-a nêchuan ‘Life and Teachings of Jesus Christ’ tih class-ah kan thû dûn a.

Zirfirtuin Sabbath chungchâng a'n sawi chuan Confidence-a chuan a lo ngaithla ngun hlê mai a. Sawi honaah pawh phûr takin a tel vê a, Sabbath hi Pathian ni thianghlim a nih ka rinna chhan ka sawia ka thil sawi dân ang chiah khân a sawi chhuak a. Amah chuan *thinlung taka chûng chu pawm* niâwmin a sawi chhuak a. Mahse *thinlung taka sawi a ni a ngem le?*



Chumi hnû kêr hnihah nipui chawlh a inñan dawn a, Confidence-a chuan baptisma chan a, Seventh-day Adventist nih a duh thû min hrilh a. Amah chu ka rin chiah loh avângin a tîrah chuan ka nuih mai a. “Chû chu thil theih loh a ni lo!” ka ti a.

Ani chuan, “Ni e, a theih rêng a ni. Hetianga thutlûkna ka siam chhan pawh nang hi thuhretûa i ãan vâng a nia. I rinnaah hian i ding nghet tlat a. I thil rin hi a chhan pawh i hria a, sawi chhuah pawh i tîm ngai lo,” a ti a.

Confidence-a vâng chuan ka lâwm hlê a, kan thil sawi tâwm tak chu hmangin Pathianin a thinlungah thû a sawi zui a ni sî a.

Adventist chhûngkuaa seilian chu ka ni nân, Krista nêna kan inkûngkaihna hi chu ka lo la urhsûn lutuk ngai lo. Mahse Babcock-a Adventist Youth Ministry (AYM) rawngbâwlnaa ka inhman vê chinah ka lo danglam ãan a. Heta chinah hian nî tin Bible chhiar leh ãawngñai nân hun ka hmang vê ta ãhîn a ni.

Ni kum khân AYM member-te chuan Ṭhalai Ṭawngñai Hapta-ah thû an sawi a. Enge a sawi chu ka hre zui ta chiah lo nân, rilrû chu a dek khawp mai thung a. Lû kûnin ka ãap chhuak a ni ber. Thusawitu chuan, “Tûnah helai hmuna tû emaw hi chu a nunah a insuâl mêk a ni,” tiin a sawi a, chû chu keimâ dinhmun chiah a ni. “Isuân a hnêna nun hlân tûrin a duh che u a ni,” tiin sâwmna a siam a. Chumi nî chuan Isuâ hnênah ka nun ka hlân a, chuta chin chu ka nunah danglamna nasa tak a lo thleng ta a ni.

AYM hi ka tâna malsâwmna a nihna chu Kristâ hnêna nun hlân tûra min ãanpuitu a nihna hi a ni. Kan campus chhûng leh kan khawtlâng vêla huâp zâu zâwka rawngbâwlna nei tûra remchânna min siamsak hi a ni bawk.

Tûn kuartar Thirteenth Sabbath Offering project-ah Babcock University a tel vê tih ka hriatin ka lâwmin, ka phûr a. Tûnah tak hi chuan kan AYM hian Sabbath School inkhâwmna hmun mûmal kan la nei lo va. Class-room lian vak lo vah, leng leh leng lo vin kan inhnawh mai ãhîn a, a châng leh pâwn thingbuk hnuaihte kan nei a, mahse ruahin min tibuai fo sí a ni. Khawpui chhûnga ãhalaite hnênah kan rinna thûte kan hrilh a, kan program-a lo tel tûrte pawhin kan sâwm bawk a, mahse an lo kal tak tak chuan ãhutna kan inchan lo leh sí ãhîn a ni.

Kan nghahhlelh êm êm youth center hi kan tân chuan biak in a nih bâkah, ãhalaite rawngbâwl tûra inchher puitlinna hmun a ni bawk dâwn a, a ãngkai hlê dâwn a ni. Chutih hunah chuan khawpuia kan ãhiantè pawh inkhâwma sâwm a inthlahun awm tawh lo vang a, mi tam zâwk Isuâ hnênah kan hruai thei tawh ang.

Hetiang hmahlîr hi ka nei a, biak in kan neih hunah chuan khawpuia naupang leh ãhalaite chu kan zîngah Pathian biakna nei tûrin an rawn inkhâwm thei ang a. Anni pawh chuan, “Hê thil kan rin hi a tak tak a lo ni reng mai. Kohhran chhûngah leh chuta mîte nunah pawh kan hmu thei,” tiin an la sawi thei ang.

Hê project lo puitlin theihna tûra thawhlawm phûr taka thawh tûrin ka sâwm duh che u a. Nangni ãhahnem min ngaihpuina zâra ka beiseina lo puitling tûr avâng hian ka hlim hlê a ni.

\* Hming hi thlâk a ni.

### **Mission Thuchah**

- Hello, Sabbath chibai u le! Kei hi Professor Ademola Tayo, Babcock University president a ni. Nigeria ramah hian Adventist member hi kan la tam vak lo va, mahse kan campus chhûnga non-Adventist zirlaite tâna





rawngbâwlna hmanhian remchâna kan nei ða hlê thung a. Hetiang rawngbâwlna atân hian kan Adventist Youth Ministry hi kan thapui ber niin, campus chhûnga thlarau hnehna lam hawi program hi chu a huaihawttû ber an ni.

- Tûnah hian multipurpose youth center hi kan mamawh zînga thil hmanhmawh thlâk ber a ni a, heta ðang hian ðalaithe chher chhuakin, Kristâ hnêna hruaina kawngah a ðangkai hlê dâwn a ni. Babcock University tân hian min lo ðawngðai puin, Thirteenth Sabbath-ah pawh phal taka thawhlawm thawh tûrin kan inngên lâwk a ni e.

**CHAWLHNI 11-NA**

**JUNE 10, 2017**

## **AWM NGÊINA TÛR HMUN**

**Nigeria**

**Chiemela**

**I**NGATI nge hei leh chen hi Adventist Youth Ministry (AYM) rawngbâwlnaah hian ka tel zui zêl le? A chhan chu awmna tûr hmun dang a awm loh vâng a ni!

Ka hming chu Chiemela Ogu a ni a, Babcock University's Pioneer Church-a AYM Pathfinder director ka ni. Adventurer class-a ka awm lai aðang tawha AYM lama inhmang tawh ðîn ka ni.

Babcock University-a ka awm lai aðangin, min kaihruaitu khân chhiahhlawh-hruaitu ni tûrin min fuih ðîn a. Kan Pathfinder member-te hi non-Adventist chhûngkaw chhuakte an ni a, hêng mîte hnêna Pathian hmangaihna hrilh vêna remchâng ka ngah hlê a. Chutianga tih chu hlim leh lâwmna hnêr niin, A ngaihdamna te, khawngaihna leh zahngaihna chungchâng an lo zir hian nuam an ti hlê ðîn a ni.

Ka ðhiannû pakhat chuan sual chi hrang tam tak a tih tawh avânga Pathian hnêna thu thlen pawh a ngam tawh loh thû a sawi a. “Tawngðai tak ngial pawh ka ngam tawh lo, min ngaihthlâk duh pawh ka ring tawh lo. Amah nêna kan inzawmna pawh ka tichat tawh sî a,” tiin min hrilh a.



Kei chuan a hnênah Pathianin amah a hmangaihna tinêp thei tûr khawp eng mah a ti thei lo tiin ka hnêm a. “A lamah inhawng leh la. I tihsualte chu pawmin A ngaihdamna dîl zâwk rawh. I lam A lo hawi leh chuan Amah chu rinchhan hmiah la. Ani chuan Isuâ nun sual tel lo chiah kha A en ang,” tiin ka fuih a. Zâwi zâwiin a sualna leh inthiam lohnate chu a bo ta tiâl tiâl a.

Ka thalai pui tam tak hian mimal taka chona hmachhawn tûr lian tak tak an nei hlawm a. Mipa naupang pakhat pawh hi a ngâwichâwi viau mai tih ka hria a, mi dang hnênah pawh thil a sawi ve vak ngai lo. Thianah ka siam a, nakin lawkah chuan a chanchin min hrilh ngam ta a ni. “Sikula ka thiante chuan chapo leh kawm hrehawm ka nih thû min hrilh a,” tiin a sawi a.

Kei chuan, “Chû chu dikin i hre rêng rêng em?” tiin ka zâwt a.

Ani chuan hmêl ngui deuh nghaih hian, “Teuh nâng. Mi zakzum tak ka ni a. Mi pawl sawiin, an rilru tihnat theihna tûr thil ka sawi ang tih mawlh hi ka inhlâu thîn a,” tiin min chhâng a.

Kei chuan, “Chutianga mi dangte rilrû tihnat duh lo mî i ni chu nginat i nih chhan tling a nih chu,” tiin ka chhâng a.

Ani chuan, “Anni tân chuan a ni vê lo a lâwm! Mi khirh leh tihhar anga min ngai zâwk tlat a,” a ti a.

Kei chuan, “Chuti chu, anni chuan an lo ngaina lo che a nih pawhin, kei chuan ka ngainâ che a ni. Mi dangte pawhin i nih ang ang hian an ngaiva vê chein ka ring tlat a ni,” tiin ka fuih a.

Hê mipa naupang hian a rilru sùkthlêk avângin a thiante zîngah a bula awm nuâm ti lo an awm tih a inhria a, mahse chû a rilru sùkthlêk chu amâ nihphung vê rêng a ni sî a. Chû chu thlâk danglam tum hran lo va a pawm thiam a ngai a. Mahni inrintâwkna nei tûra a inzir vê zêl a ngai zâwk a ni.

Kan AYM member-te hian mi dangte fuih leh kawm hlim dân hi an thiam riâu mai a. Sabbath nî inkhâwm bân hnûin, Balloon Evangelism kan tih mai chu kan nei a. Balloon-ah hian Bible thutiam kan hriat angte kan ziak a, chû chu zirlaite hnênah kan pê a. Zirlai thênkhat chuan, “Hei hi a va tha vê! Hê thutiam tak hi vawiina ka mamawh tak a nih hî!” an ti hlawm a.

Babcock University hi hmangaihna chhôngkua a ni ber mai a, Pathian hmangaihna mi dangte hnêna hrilh chhâwng zêlin, chû chhôngkua chu tihlen deuh deuh tumin kan bei a. Chutiang bâk tih belh theih thil pawh a la tam mai.

Tûn kuartar Thirteenth Sabbath thawhlawm thenkhat hmang hian Babcock University-a youth center sak a ni dâwn a, chutah chuan auditorium bâkah, biak in a tel ang a, tichuan naupang leh thalaite hnênah themthiam leh finna thil chi hrang hrang kan inzirtîr thei dâwn a ni.

Hmathlîr ka neih chu, young preacher club din a ni a, chutah chuan Pathfinder member-te chu thuhril leh mahni inrintâwkna neih dân kan zirtîr dâwn a ni. Hê project hi a lo puitlin hunah chuan hê ka hmathlîr neih hi tihpuitlin theih ngêi ka inbeisei.

Kan naupangte hi enkawl leh zirtîr, kaihhruai that an nih loh chuan, tûn ațanga kum 10 lo kal leh tûra an dinhmun tûr hi ka vei hlê a ni. Anni hi kan ngaihsak a, an inzir leh inchher puitlinna tûr hi kan ngaihtuahpui erawh chuan, hmalam hun atâna kohhran ban an ni dâwn sî a.

Babcock University-in tûn kuartar Thirteenth Sabbath thawhlawm a dawng dâwn tih kan hriat hian kan lâwmin, kan phûr êm êm a. Kum eng emawti chhông chu ‘Rawngbâwlina Chanchin’ sawi hi kan lo ngaihlâ vê tawh thîn a, mahse chông chu khawvêl hmun dang chungchâng deuh hlîr a ni. Tûna keini chanchin khawvêl pum puia kan ûnauten an han hre vê tûr hi kan phûr a. Pathian Thupêk Ropui keimahnî chhana lo famkim theihna tûra theihtâwp min chhuahpui dâwn avâng hian lâwmthû kan sawi bawk a ni e!

---

### **Bengvârna Thû**

- Babcock University’s Adventist Youth Ministry (AYM)-a Pathfinders program hian youth center din nân sum an tuâk ve mêk a ni.
- Hê center hian AYM programs huaihawtin, rawngbâwlina hmanruate chhêkkhâwmna a ni bawk ang.
- Nigeria ramah hian hnanei lo rate hi a sâng hlê a, a bîkin thalaite zîngah a sâng zual a. University president, Ademola Tayo sawi dânin, eizawna

tûr thiamna nei tûra zirlaite zirtîr mai hi a tâwk lo. “Anmahni kut kê ngêi hmanga thawk tûra zirtîr kan duh a, ram sum dinhmun chu engang pawh ni se mahni intodelh thei tûra buatsaih kan duh a ni. Hê center tharah hian thalaite chuan eizawna tûr leh rawngbâwlna tûr thiamna chi hrang hrang an zir thei dâwn a. Zirlai tinte hian kut themthiamna kawng khat tal chu an paw chhuak ngêi dâwn a ni,” tiin a sawi.

CHAWLHNI 12-NA

JUNE 17, 2017

## KA ÛNAUPA

Nigeria

Goa

**A**DVENTIST Youth Ministry (AYM) nêna kan thawh dunna chin hi a rei fû tawh a. Adventurer class aţangin bul ka ţan a, ka lo ţhan len chhoh ang zêlin uniform dang dang hân, tûnah chuan Master Guide ka lo ni ta a ni.

Ka hming chu Pastor Goa Adeniran niin, Babcock University-ah hian student development department-ah ka thawk a. Kan campus chhûnga AYM program-ah hian ţanpuitu tam zâwk mamawh a ni tih ka hria a. Têt lai aţanga AYM member niin, hlâwkna chi hrang hrang hi ka lo têt hnem tawh bawk a, chuvâng chuan eng emaw tal chu tihsak lêt thâin ka hria a ni. Pathfinder instructor atân ka inpê a, chutiang chuan naupang zâwkte nunah Pathian hmangaihna awmzia neih tûr hna pûrawm tak chu ka thawk vê ta a ni.

Chutiang Pathfinder member zînga malsâwmna ka nihna pakhat chu Mustapha\* chungah hian a ni a. Ani chu kum 15 mi vêl niin, Lagos khawpuia brick siamtu company-ah a inhlawh vê thîn a. Chuta thawk vê dang pakhat thianah ka nei a, chu mi zârah chuan Mustapha biakna remchâng minit tlêm tal neih ka tum thîn a ni.

Ni khat chu tû emaw hian ka thian chu tu nge a nih min zâwt a. Kei chuan intithe deuh tak hian, “Ani hi Mustapha, ka ûnaupa a nih hi,” tiin ka chhâng a. Chutih pah chuan Mustapha chuan engtin nge a ngaih teh rêng tiin ka mitmei zui a, ani chu a lo hlim hmêl hlê a ni.

Chuta chin chu, Mustapha chuan a ûnaupa ka nih thû chu mi dang hnênah pawh a hrilh vê ta zêl a. Chû chuan amahah awmzia a nei khawp mai a, ka ngaihsak a ni tih a inhria tih ka hriatin ka lâwm khawp mai.



Mustapha hian a nun kawngah that lohna eng eng emaw a nei vê a, chuvâng chuan vênhim tumin ka bei hrâm thîn a. Chutiang chuan kan inthianna pawh a lo thûk deuh deuh a, ani chuan mei zûk leh zû lamah ngawl a vei tawh tih min hrilh a. Hêng lai vêla ngaihdân lâr tak dik sî lo pakhat chu: Chak leh thiltitheï ni tûr chuan zu in leh mei zûk a ngai' tih hi a ni.

Kei chuan a hnênah, “Hêng ang chîn tha lote hi i la chhiatphah zâwk ang. Chutianga chhiatna i tâwk tûr chu ka ngai ngam lo a ni, Mustapha,” tiin ka hrilh a. Keimah min entawn a, taksa thil tha lo thlen theï tih bânsan tûrin ka fuih a. “Nang ang bawkin ka thawk rim a, mahse chutiang chu ka ti vê ngai rêng rêng lo. I tih theih ang tih theih vê loh eng mah ka nei lo,” tiin ka hrilh a.

Eng emaw châng chuan Mustapha hian ka thusawi a ngaithlâ em tih pawh ka hre lo, mahse ni khat chu zu in leh mei zûk a bânsan tawh thû min hrilh a. Chuvâng chuan Pathian hnênah lâwmthû ka sawi a ni.

Mustapha hi Kristian a ni vê lo va. Chuvâng chuan a hnênah Isuâ chanchin hrilh ka duh a, mahse thiam taka hrilh a ngai sî a ni. A hrisêlna duhsakna te, chhûngkua leh nun duhawm neih duhsakna avânga hrilh ka duh a. Hmangaihna leh a mamawh phuhrûksak duhna aţanga inlaichînna neihpui hi ka duh a ni.

Mustapha pa chu a thî a, ka ûnaupa chu zan khat thil thûah chhûngkhat pa a nih a ngai ta mai sî a. An chhûngkaw mamawh phuhrûk tûrin dârkar tam tak a thawh a ngai a, ngawrh zual sauh a ngai bawk a. A mawhphurhna a hre viau chuan min ti lâwmin, ka chhuang hlê zâwk a, mahse a naupang hmêl kha chu hmuhawm viau zâwkin ka hria.

Kei chuan Mustapha hi ka ɽawngɽai pui reng a, mipa nunphung pângngai leh mawhphurhna hria a nih theih hi ka duhsak a ni. A pain a thihsan tâkah chuan, inhlawhna hnâ a neih theih nân Mustapha hian mipa bank buaipui saktu a neih a ngai a. A pâ âia ding tûrin theihtâwp ka chhuahsak a. Kut themthiamna lam pawh a theih anga tam a neih theih nân ɽan ka lâkpui a, nun hlawhtling tak a neih thei nân ka buatsaih a ni.

Biak ina inkhâwm tûra remchâna erawh ka la nei thei rih lo va, mahse Isuâ chanchin erawh chu hrilhna remchâng ka nei thei thung a. A hnênah chuan Krista chuan mî zawng zawng a hmangaih a, an nun theih nân A thihsak a ni tihte ka hrilh a. “Unaupa, i hria em? Mî zawng zawng tihah hian i tel a nia,” ka ti a.

Mustapha chu a’n ngâwi deuh vang vang a, chutah lo dâk chhuakin, nui var var chung hian, “Pastor, Bible min ngaihtuhsak thei a ngem?” tiin min zâwt a.

Tûn kuartar Thirteenth Sabbath Thawhlawm hmang hian multipurpose center sak a ni dâwn a, chû chu AYM member tam takin Pathian chibai bûk leh inkhâwm bâkah, program ɽangkai dang dang atân an hmang ɽangkai thei dâwn a ni.

Kan AYM hi non-Christian-te zînga rawngbâwlna kawnga chanchin ɽha sûlsutû ber a ni a, zirlai dangte leh kan chhehvêla mîten Isuâ hmangaihna an hriat theih nâna kutkê ber a ni bawk. Hê youth center tharah hian rawngbâwltu tûr ɽhalai tam tak chher chhuah an nih dâwn avângin, Thirteenth Sabbath lo thlen hunah pawk taka thawhlawm thawh ɽeuh tûrin kan insâwm lâwk a ni e.

\*Hming hi thlâk a ni.

### **Mission Thuchah**

- Kohhran mîte hu, Sabbath chibai u le! Ka hming chu Pastor Elijah Adewumi a ni a, kan Adventist Youth Ministry -a youth community outreach director ka ni. Kan ɽhalaithe hian vântlâng mamawh phuhrûk tûr leh rawngbâwlna famkim neia Isuâ tihdân zui tûrin chona lian tak an hmachhawn a. Hrisêlna thuchah mîte hnêna zirtîr te, mîte hrisêlna

endiksak te, eitûr leh silhfên a thlâwna sem te, sikserh laka invên nâna tholên sem te, hospitala damlo tlawh te, chanchin ʒa hril leh lehkha phêk sem te leh kohhran din lam tein ʒan an la ʒîn a ni.



- Isuan mîte mamawh A phuhrûksak khân an zui deuh châwk a. Keini pawhin Isuâ tihdân anga mîte mamawh kan phuhrûksak chuan Isua chu kan kawhhmuh vê thei ang.
- Babcock University leh kan Seventh-day Adventist rinna chungchâng mîten ngaihân dik leh ʒâ an neih hi kan duh a. Kan beisei Youth center hi kan neih hunah chuan, khawtlâng leh vêng chhûng mipuite leh ʒhalaita hnênah pawh Pathian hmangaihna thû nasa zâwka hrilh theih kan inbeisei a ni.

**CHAWLHNI 13-NA**

**JUNE 24, 2017**

**THIRTEENTH SABBATH PROGRAM**

- Welcome : Superintendent emaw, remchâng dang pawh  
 ʒanna Hlâ : “Kâwlkil Thlenga Buh Awmte,” AH No. 197  
 ʒawngʒai : *[Mi fel tak inruât lâwk ni se]*  
 Program :  
 Thawhlâwm : *[Khawn tûrte inruat lâwk a, khawn laiin naupang hote chu kan ram bawhte hlâ pahnih-khat saktîr ni se]*  
 Khârna Hlâ : “In the Heart of Jesus,” *The Seventh-day Adventist Hymnal*, no. 577  
 ʒawngʒaisakna: *[Kan project hlawhtlinna tûr hi dîlsak ni ngêi teh se]*

**Changtute:** Sawifiahtu leh chhiartu pahnih

**Hmunhma Chei:** Gabon leh Nigeria ram Flags (emaw an flag lem tal pawh); Arica emaw khawvêl map emaw târ a, Gabon leh Nigeria lan chiantîr.

**Sawifiahtu:** Tûn kuartar chhông hian kan thawhlawmin West-Central Africa Division kan bawh a, chutah chuan ram pahnih: Gabon leh Nigeria hi kan thlûr bing deuh a ni.

Wawiin hian tûnhnai deuh lawka Isuâ chanchin lo hre thar **Joshua** hian Nigeria ram chanchin min hrih dân a ni.



**Chhiartu 1:** Joseph-a leh a ûnate chanchin ngaihnam tak min hrih zawhin, ka thianpa Gift-a hnênah, “Khawi aţangin nge chû chu i hriat a?” tiin ka zâwt a.

Ani chuan ner deuh nâng chung hian, “Bible aţangin maw le. Adventist Youth Ministry program hmannaah ka bulah lo kal vê rawh, Joshua, chûng thawnthû chu i hre vê mai ang,” tiin min chhâng a.


Gift-a chu Babcock University campus chhûnga chêng a ni a. Bible hriatna a nei tha riau chu ka ngaisâng a, kei pawhin hriat vê ka châk êm êm a ni.

**Chhiartu 2:** “Ni tam vak lo chhûgin Vacation Bible School (VBS) kan nei dân a, nang pawh lo tel vê ta che,” tiin Gift-a chuan min sâwm a.

Helai hmuna AYM naupangte nê Sunday nî hian football kan khêl ho thîn a, nuam ka ti teh mai a sîn! An infiamna rêng rêng hi tawngtaina nei hmasa zetin an tan chauh thîn a, field chhûngah pawh hian ngil an nei tlâng êm êm a ni.

VBS-ah chuan ka tel vê dân leh dân loh ka inngaihtuah a, ka rilrûah chuan Pathianin tel vê ngêi tûrin min duhsak niin ka hre bawh a. Inkhâwm vawi khatnaa ka'n tel vê chu, Gift-a chuan a lo sawi dik chiah a ni tih ka hre nghâl a. Bible thawnthu sawi ngaihnam tak kan ngaihla tam hlê a, chûbâkah hla tharte kan zir bawh a; Isuan min hmangaih tih pawh ka zir chhuak bawh a ni.





Photos 2 AU College Adventiste (Adventist secondary school), Libreville, Gabon.

**Chhiartu 1:** VBS kan zir zawh chuan, Seventh-day Adventist-a inpêk ka duh a ni tih ka inhre ta mai a. Tichuan, kum khat kal ta khân baptisma ka chang a, tânah chuan mi dangte hnêna ka rinna thù hrilh hi nuâm ka ti êm êm a. Mîte hian Sabbath thutak leh Isuâ lo kal leh thuaîna tûr thuchah hi hria se ka duhsak a ni.

Kumin hian ka ðhianpa Favour-a chu VBS-a lo tel tûrin ka sâwm a, ani pawh chu pelh miah lo vin a rawn inkhâwm ziah a. Bible thawnthu sawite chu ngaihnawm a ti thei hlê a, chûbâkah kutthemthiamna leh infiamnate pawh chu nuâm a ti thei khawp mai. Tûnhma chuan Isuâ chanchin a la hre mang lo va, tânah chuan amah hmanaihtu leh enkawltu a ni tih a hre vê ta a ni.

**Chhiartu 2:** Seventh-day Adventist ka nih avâng hian ka ðhian tam zâwkte chuan min sawisêl ðhin a. Chû chu thil nuam lo tak a ni. An hnêna Isuâ chanchin sawi pawh an duh lo va, chuvéng chuan ka nungchang leh chêtze hmangin A nungchang chu ka lantîr ta zâwk a, hmêl hlim tak put reng ka tum ðhin a ni. Mahse mi tin chu hetiang hian an awm vek lêm lo. Isuâ chanchin ka hrilh ðhin ðhian ðhenkhatte chuan kan biak ina rawn inkhâwm pawh an châk vê hlê a, chû chuan min tihlim hlê a ni.



Photos 3: AU College Adventiste (Adventist secondary school) Libreville, Gabon.

**Chhiartu 1:** AYM-a ka tel vêna zârah ka nungchangah danglamna a lo awm a. Tûnah chuan kan chênna vêla mîte ðanpuitu nih ka châk a, a bik takin upa lamte ðanpui ka duh a ni. Chibai bûk te, an ip khâisak te leh zahna lantîr hrim hrim pawh ka duh a ni.

VBS hian ka nun min thlâksak a. Isuan min hmangaih tih ka hriat hian ka hlim a ni. Tûnhma lam kha chuan phurrit hi mahniin ka phur ðîn a, tûnah erawh chuan Isuan min phurh chhâwk a, chûng phurrit chu ka phur vê tawh lo. Isuan min ti zalên tâ!

**Chhiartu 2:** Tûn kuartar Thirteenth Sabbath Thawhlawm, wawiina kan khawn tûr hmang hian Babcock University-a AYM member-te tân multipurpose center sak a ni dâwn a. Tûna program leh inkhâwmna tûr mûmal nei lote tân engkim phuisui takin a neih theih dâwn ta a ni. Hetiang center hi ðhalaite tân Isuâ tâna thuhretu leh pâwn lam rawngbâwlna atâna inchher chhuahna hmun ðangkai tak a ni dâwn a ni.



**Sawifiahtu:** Vawiin hian Nigeria leh Gabon rama ṭhalait e ṭanpui tûra thilpêkte phal taka in pêk dâwn avângin lâwmthû kan sawi mawlh mawlh a ni. Hêng in thawhlawm thawh tûr hian ṭhalai tam tak tân rah duhawm tak a chhuah ngêi dâwn a ni tih i hre reng ang u!

*[Thawhlawm]*

# WEST-CENTRAL AFRICA DIVISION

